

لحبها حكاية



تم تحويل هذه الرواية الى PDF  
بواسطة موقع ايجي فور تريندس  
<https://egy4trends.com>

رواية لحبها حكاية

مقدمه: - عاهدت قلبي انت تظل جامدةً حصونه  
.. واخلفت وعدي عندما رايته عاهدت قلبي انني  
للحب في يومٍ لن اسلمه .. واخلفت وعدي عندما  
عرفته عاهدت قلبي انني في درب الحب ابدًا لن

أوقعه .. واخلفت وعدي حينما ف سجن عينية  
أسرته نبذه عن القصة : - فريق دكاتره متدربين  
بيتكون من اربعة بيتدربو ف عياده دكتور كبير .  
القصة بتدور حوالين حياه الاربع دكاتره دول سواء  
العملية او الشخصيه و عن المشاكل ال بيواجهوها  
ف حياتهم ورحلتهم من دكاتره متدربين ل دكاتره  
متخصصين ، طبعا غير الحالات ال بيعالجوها و  
ازاي يساعد بعض ف الشدايد . و عن قصص  
الحب ال بتبدأ بينهم و ياتري هتنتهي ازاى  
؟؟ معلومات عن الروايه النوع : رومانسي ، شبائي ،  
نفسى ف ايطار اجتماعي كوميدى الشخصيات  
كمال العاصي : دكتور اطفال كبير و مشهور و عنده  
عيادته الخاصه ادم : دكتور متدرب ، ٢٥ سنه ،  
يحب الهزار بس عصبي وبارد ف نفس  
الوقت مالك : دكتور متدرب ، ٢٥ سنه ، مرح و  
فرفوش كارما : دكتور متدربه ، ٢٥ سنه ، هاديه  
بارده ، احيانا مرحة ديمه : دكتور متدربه ، ٢٥ سنه ،  
مرحه و فرفوشه جدا و بنحب الضحك و الهزار باقى  
الشخصيات هتتعرفو عليها ف الروايه الكثير من

الثرثره الفارغه □ الصراحه حسيت ان النوع ده مش  
في كُتاب كتير بيكتبوا عنه ، أو انا مقرائتش روايات  
كتير عن الموضوع ده ف بس حبيت اغير شويه و  
نحاول نكتب حاجه مختلفه. اتمني الصراحه  
يعجبكم ، و متنسوش مشاركه القصه و التصويت و  
طبعاً تعرفوني رايكم عن الروايه هل انتو متحمسين  
للنوع ده ولا لا و بس كده قراءه ممتعه و اشوفكم  
ف النهايه سلام □

——— Part Break ———

كمال بعصبيه : ديببييمه .. مااااالك ديمه و  
مالك بتوتر : نعم ي دكتور كمال : هو انتو مش  
هتبطلو حركات الأطفال دي ، انتو عندكو كام سنه  
دلوقتي ديمه : انا اسفه ي دكتور مش هتتكرر  
تاني مالك : انا اسف ي دكتور كمال ب ابتسامه  
بمكر : انا عرفت من ال هيرتب الملفات كلها اخر  
الاسبوع ديمه ببراءه و ترجي : لا ي دكتور لو  
سمحت اي حاجه غير المخزن و الملفات ... ممكن

انصف العياده كلها بس مرتبش الملفات كمال : ده  
اخر كلام مالك : بس .. كمال : انا قولت كلمتي و يلا  
انتو عارفين مكان المخزن صح ولا انا دي عزيز  
يدلكم مالك : لا خلاص الا عزيز احنا عارفين  
المخزن فين ف اخر الاسبوع هتلاقي الملفات كلها  
مرتبه ... قال عزيز قال ديمه : عن اذنك ي دكتور  
بقا علشان الملفات بتنادي كمال : يلا اتفضلو بره  
ف اوضه المكتب كانت كارما و ادم بيلعبوا  
شطرنج ادم : ثاني .. هيتعاقبو اكيدي كارما ببرود:  
يستاهلو .. اكيدي عملو مصيبه او اتخانقو مره  
تانيه ادم بهدوء : معاكي حق .. سيبيك ، كملي  
يلا ديمه بعصبيه : ايه كميه البرود ال انتو فيها  
دي كارما ببرود : و المطلوب ديمه : طب ع الاقل  
واسيني او هوني عليا او مثلا قولي انك حتي هتيجي  
ترتبي الملفات معايا كارما : بعينك .. ابدأ مش  
هيحصل مالك : ما هو انتي لو تبطلتي استفزاز  
مكناش اتعاقبنا كله بسببك ي وش للبومه  
انت ديمه بعصبيه : انا ال وش البومه ي غبي انت ،  
انت السبب اصلا و كل مره بقضي الاجازه برتب ف

ملفات بقالها سبع تلاف سنه ف المخزن ادم :  
اخرصو انتو الاتنين انا مش عاوز اسمع صوتكم ما  
انتو لو تبطلو مشاكل مكنتوش هتقضو كل  
الإجازات ف المخزن بترتبو الملفات كارما ببرود :  
يكون ف علمكم انا مش هستلم اي ملفات اضافيه  
الاسبوع الجاي من اي واحد فيكم ، علشان محدش  
يجي يقولي لو سمحتي الملف ده بس ... و  
متتحججوش انكم تعبانين من تنضيف كام الف  
ملف بس .. ادم : نفس الكلام .. انا مش هاخذ اي  
ملفات مالك : و نعم الزمايل الصراحه .. ديمه :  
النداله فيكم مش هتشتروها من بره كارما ببرود :  
ايوه .. و يلا بقا رحو شوفو هتعملو ايه علشان انتو  
هتخلصو وقت الراحة ع كلامكم الفارغ ده احنا و رانا  
حاجات مهمه ديمه نفخت و مشيه بغيط و وراها  
مالك ادم بضحك : كملي يلا .. بس هي خلاص  
الجيم اتحسب الصراحه .. كارما بخبث : لا لسه و  
بعدين ركز شويه و انت هتشوف هو اتحسب  
لمين ادم : طب يلا العبي .. بعد فتره كمال : انتو  
استلمتو ال الملفات ال هتدرسو الحالات ال فيها

بتاعه الاسبوع ده... صح ادم: ايوه ي دكتور مالك :  
بس ي دكتو كده ملفات كتير ده غير شغل المخزن  
ف مش عندنا وقت لده كله كمال : لازم تكون قد  
المسؤوليه ي دكتور لو عاوز تبقي دكتور كبير و لك  
اسم .. و لازم كمان تكون قد أفعالك ، ولا ايه ي  
دكتور مالك مالك : اوامرك ي دكتور كمال : طب  
يلا كل واحد ع شغله ، اه و حاجه كمان من الاسبوع  
الجاي ان شاء الله انتو هتتعاملو مع الحالات  
شخصيا و مش بس تيجو تتفرجو بس ف اوضه  
الكشف وتقرأؤ الملفات و تكتبو ملاحظات ...  
تمام الجميع: تمام ي دكتور ف المكتب ديمه : انا  
متوتره اوي، انا مش عارفه الصراحه هتعامل ازاي  
مع المرضي كده مالك : انا والله مشفق ع  
المرضي ال انت هتكوني الدكتور بتاعتهم ديمه :  
بارد ادم : ارحمونا بقا ممكن ..... كارما : والله  
تستاهلو كل ال بيحصل فيكو ده .. ي رب يجيب  
لكم عم عزيز يعلمكو الادب ديمه : كلو ال عم  
عزيز مالك : استري رب .. ربنا يجعل كلامنا خفيف  
عليهم ~ عند كارما ف التليفون ~ كارما : ايه؟؟ انا

جايه

حالا -----♡-----

----- ده كان فصل قصير ، لو عجبتمكم

الفكره و حابين ان انا اكمل الروايه اتمني تعرفوني

ف التعليقات وبس ☺

———— Part Break ————

ي شط اسكندريه ي شط الهوا ..... رحنا

اسكندريه رمانا الهوا ..... الجد كان بيغني و منسجم

مع الجو الجميل و البحر كارما بضحك : صوتك

جميل ي جدو الجد بضحك : ي بكاشه .. المهم ي

ستي تكوني مبسوطه ، ادينا جينا اسكندريه زي ما

طلبتني اهو كارما بحب: طالما انا معاك ي جدو

هبطي ديما مبسوطه الجد طبطب عليها و قال :

للزم تكوني ديما مبسوطه حتي لو انا مبقتش جمبك

. انتي لازم متعلقيش انبساطك ع اي حد علشان

تعرفني تعيشي كارما : طب خلاص بقا متقولش كده  
و تبوظ اللحظة الرومانسيه دي ، و خلينا ننسب  
بقا الجد ابتسم وقال : ماشي ي ستي خلينا  
ننسب كارما طلعت كاميرا و قالت يلا اضحك بقا  
علشان تاخذ صوره حلوه بقا و اخدت الصور كارما  
و هي بتحرك الصوره علشان تظهر : ها ايه رايك ي  
جدو الجد : طبعا جميله طالما انت فيها كارما  
بضحك: ما خلاث بقا بتحرجني كدا ~ فاقت كارما  
من ذكرياتها ~ كارما : ها ي نور طمنيني جدو فين ،  
و عامل ايه دلوقتي نور : بصي ي كارما ي  
حبيبتني.. كارما ببرود: ابص ايه ، فين جدو ي  
نور نور : جدك اتوفي ي كارما ، اتوفي و اندفن  
كمان كارما : انتي بتقولي ايه ي عبيطه انت ، مين  
ال اتوفي و اندفن ، ده انا كنت لسه معاه من يوم ..  
ده انا بس مغبتش عن البيت غير يوم واحد بس ،  
وسعي كده من وشي ي نور و دخلت كارما تدور  
عن الجد ف الاوضه بتاعته ، و فكل الشقه كارما  
ملقتش الجد ، كل ال كان شغال هو راديو قديم  
بتاع الجد ع سوره من سور القرآن ، و في حبه



اشخاص قاعدين اتجاهلت و جودهم و مردتش ع  
اي حد منهم نور و هي بتمسكها من دراعها : كارما  
فوقي محدش بيعيش اكثر من عمره ، فوقي كده  
علشان تكمل حياتك كارما ببرود : دفتوه ليه قبل  
ما اشوفه نور : لما جدي راح له امبارح كان ميت  
من فتره طويله ، جدي تتصل بالاسعاف و اثبت انه  
فعلا ميت من فتره طويله و طبعا اضطرينا ندفنه  
ف اسرع وقت ممكن ، خصوصا ان مفيش لكم  
قرايب هنا كارما : طب لو سمحتي مشي الناس  
دي من هنا انا عاوزه ابقني لوحدي نور: بس كارما  
ببرود: مفيش بس ، اعلمي ال قولتلك عليه نور  
طبطبت عليها و مشت الناس نور: مشيتهم اهو ،  
ممکن بقا تطلعي ا جواكي و تعيطي بدل ما انت  
حابسه ف نفسك كده كارما ببرود : روعي ي تور  
دلوقتي لوسمحت

نور : طب خلي بالك من

نفسك \_\_\_\_\_ ف

المركز النفسي ديمه : هي كارما فين ي ادم ادم :  
مش عارف مشيت من يجي ساعه و قعدت انده  
عليها مردتش عليا و مشيت بسرعه مالك : طب  
هنقول ايه لو دكتور كمال سأل ادم : غطو انتو  
مكانها و اتحججو باي حاجه ، وانا هاخلص الشغل  
بتاعها علي ما تظهر ديمه : ماشي و انا هحاول  
اتصل بيها برضو ادم : تمام بعد فتره كمال : ها ي  
دكاتره الشغل ماشي ازاي الكل : الحمد لله ي  
دكتور الدكتور باستغراب : هي كارما فين ديمه  
بتوتر : ف ف الحمام ي دكتور كمال : امم.. خلاص  
تمام ، كملو شغل يلا معطلكمش مالك : هنعمل  
ايه دلوقتي ادم : مش عارف الصراحه ، بس هو كده  
كده مش هييجي ثاني الا واحنا مروحين ، ساعتها  
هنقول انها سبقتنا بتعمل مكالمه ديمه : انا خايفه  
عليها اوي ، دي مردتش عليا، انا اتصلت عليها يجي  
سبع مرات ادم : مكالمه ايه ال ممكن تخليها  
تسيب الشغل كده مالك : غريبه الصراحه ، كارما  
كانت ع طول ملتزمه و عمرها ما اتاخرت او مشيت

بدري دقيقه ديمه: ما هو ده ال مخوفني ادم : انتي  
ممکن تروحي لها صح ديمه : هو ده ال هاعمله  
طبعا بعد الشغل هاروح لها البيت اشوف  
مالها مالك : طب يلا نخلص الشغل ده قبل دكتور  
كمال ما يجي بعد جه كمال ثاني كمال : ها ي  
شباب خلصتو ادم : ايوه ي دكتور كلو تمام مالك :  
كل الملفات و التسجيلات رجعتها الأرشيف كمال  
: امال كارما فين المره دي ديمه بتوتز: كارما كانت  
هي ال بتودي الملفات و تقريبا كده خرجت تعمل  
مكالمه او حاجه كمال باستغراب : تمام انتو كده  
تقدرو تتفضلو مالك : شكرا ي دكتور مع  
السلامه كمال بضحك : اشوفكم بقا بكره انت و  
ديمه هانم بترتبو الملفات ديمه : ان شاء الله ي  
دكتور ، مع السلامه كمال : مع السلامه ~ بره  
~ ديمه : اوووف ، الحمد لله كنت حاسه ان احنا  
هنتكشف مالك : كانت قريبه الصراحه ، الحمد لله  
عدت ع خير ادم : هي حتي متصلتش تسأل عن  
أي حاجه ديمه بخوف : انا خايفه ليكون حصل  
حاجه ، المشكله ان الوقت اتأخر و مش هاعرف

اروح لها لأن لازم ارجع انهارده ع البيت مالك: طيب  
و الحل ادم : مش معاكي مثلا رقم اي حد من  
جيرانها ديمه : ااه ، ازي نسيتها ، انا معايا رقم  
واحد قريبه منها من الجيران مالك : طب ما  
تتصلي ي ام الذكاء انت ديمه : اسكت انت ادم :  
ده مش وقت خناق انت وهي ديمه رنت ع  
نور ديمه : الو ، ازيك ي نور : رد ..... ديمه : بقولك  
ايه متعرفيش فين كارما و ليه مش بترد ع  
التليفون : رد ..... ديمه بصدمه : ايه !!! ادم و مالك:  
ايه ال حصل؟؟

———— Part Break ————

ادم و مالك : في ايه ؟ ديمه كانت مصدومه و  
مش بتتكلم مالك : في ايه ي ديمه انطقي ديمه :  
كارما.. كارما جدها اتوفي ادم : اييه !! امتي ديمه :  
المفروض امبارح مالك : وازاي هي لسه عارفه  
انهارده ديمه : ع حسب ما انا فهمت ان جدها اتوفي  
من يوم ف الشقه ، يوم ما كنا انا و هي ف سكن  
المستشفى و لما انهارده الصبح جارههم راح يقعد  
معاه لقاءه متوفي ف اندفن ساعتها و بعدين قالو ل  
كارما ادم : طيب و هي دلوقتي فين ديمه : نور  
بتقول انها ف الشقه لوحدها و مش بتفتح لحد.  
بتقول انها عاوزه تقعد مع نفسها شويه مالك: احنا

المفروض نحترم رغبتها و نسيبها انها رده بس اكيد  
هنروح لها بكره.. ديمه : اكيد، اتا هاروح لها بمره من  
اول ما الشمس تطلع ادم : طب خلاص ابقى  
طمينا اما تروحي و اخنا هتيجي مع دكتور كمال ،  
علشان مش هينفع نروح كده ديمه :خلاص تمام ،  
مع السلامه مالك و ادم : مع السلامه تاني  
يوم كانت كارما قاعده ع البحر .. اخر مكان زاروا سوا  
كانت بتفتكر ذكرياتهم سوا وازاي كان بيعبها ..  
كانت بتفتكر ف طفولتها لما كانت بتسيب أهلها و  
تروح له ف الإجازات و ازاي هي اختارت تشتغل هنا  
علشان تفضل جنبو بس للأسف ملحقتش .. هو  
سابها لوحدها ف الدنيا كارما و هي بترمي حصاه  
ف البحر : ليه ي جدو .. ها ليه عملت كده مش كنت  
لسه قاعد هنا معايا من يومين و قولتلي انك  
هتفضل جمبي مهما حصل .. ليه خلفت وعدك ليا  
... ها ليه ؟؟ سمعت صوت الجد بيرن ف ودانها و  
هو بيقول : "متعلقيش سعادك علي حد علشان  
تقدري تعيشي " كارما : ازاي هقدر اعيش من  
بعدك و انت كنت سعادتي انت كنت كل عيلتي و

كل حاجه ف حياتي .. بعد فتره هديت كارما و  
قعدت بتأمل ف أمواج البحر و الشمس و هي  
بتطلع علشان تنور و تعلن عن بدايه يوم جديد عند  
ديمه ف التليفون ديمه : انا بخبط عليها و هي مش  
بتفتح مالك : يمكن تكون نايمه او حاجه ادم  
بتفكير : خلاص روعي انت ي ديمه دلوقتي و ابقى  
تعالى كمان شويه ، يمكن تكون خرجت ديمه  
بخوف: هتكون راحت فين بس مالك : خلاص  
متقلقيش بس هي اكيد شويه و هترجع ديمه :  
خلاص أمري

لله \_\_\_\_\_ عند  
البحر : انا كنت عارف انك موجوده هنا كارما ببرود :  
و جيت ليه

ادم : انا مش جاي لعب دور الدكتور النفسي  
عليكي ، بس حبيب اقولك ان كلنا ف يوم خسرنا  
ناس بنحبهم بس لازم نكون اقوي من كده كارما

كانت ساكته مش بترد .. مش بتعمل اي رده فعل  
كانت بس بتسمع هي مش ف وضع يسمح لها  
بالجدال و المناقشه ادم : انا عارف انك مش هتردي  
.. مش مستني منك رد بس من واجبي ان انا اقولك  
لازم تكلمي لو مش علشان حد علشان نفسك .. و  
عيطي علشان تطلعي كل المشاعر المكبوته  
جواكي كارما ببرود : اعيط .. انا أضعف حتي من ان  
انا اعيط معنتش حتي عارفه اعيط ازاي .. ساعه ما  
عرفت ان جدي مات انصدمت كأن مايه متلجه  
انصبت عليا ، بس برضو رغم كل ده معرفتش حتي  
اعيط او انزل دمه واحده ادم : انا معرفش ايه ا  
مريتني بيه ف حياتك علشان توصلني لكده ، بس انا  
متأكد انك قويه و قويه جدا علشان تعديه او حتي  
تكلمي حياتك بعده الصمت ملي المكان بعد  
كلمات ادم ال قالها و كارما بس كانت بتفكر ف كل  
ال قاله ... هل هي فعلا قويه انها عدت بكل ده و  
لسه عايشه .. و لا هي ضعيفه لدرجه حتي انها مش  
عارفه تعيط ادم : انا هسيبك تفكري براحتك بس  
ارجعي البيت علشان ديمه هناك خايفه عليكي و



عاوزه تشوفك يلا سلام هطير انا بقا .. قررت كارما  
انها ترجع البيت و تشوف نور و ديمه و تكمل  
حياتها..و تعيش مبسوطه زي ما جدها قال " و  
يحدث ان يبكي فيك كل شيء إلا عينيك " ف  
البيت ديمه بلهفه : انت رجعتي ي كارما كارما  
بهدهوء : انا بس كنت بتمشي و اغير جو نور : الحمد  
لله انك جيتي انا كنت قلقانه عليكي موت و البت  
ديمه دي كمان عماله واجعه راسي من  
الصبح كارما بهدهوء: انا اسفه ي جماعه قلقتكم  
عليا ، انا كويسه اهو متقلقوش ديمه : طب يلا بقا  
مستعده تسمعي المفاجاه كارما : استري رب ،  
قولي ديمه : هاستلم اول ملف حاله يوم الحد ، انا  
هاعالجها بنفسي نور : ده انتي ال عاوزه تتعالجي  
والله ديمه : بس ي حبيتي انت يلا بيتك  
بيتك كارما : ممكن تروحي حته و متعمليش  
مشاكل مع حد ديمه : مقدرش الصراحه نور  
بضحك : ديمه

----- مشاكل  
ف المركز كامل بحزن : لا حول ولا قوه الا بالله ، الله

يرحمه بس لحظه كده .. مالك بتوتر : احمم..  
حضرتك ف حاجه ولا ايه كامل : يعني اصلا كارما  
مكنتش هنا امبارح و لا هي ال ودت الملفات  
الأرشيف ولا حاجه ديمه : الموضوع كله ي دكتور  
انه ااا.. كامل : انتو بتتغفلوني يعني ادم : حاشا لله  
ي دكتور احنا بس مكناش نعرف ايه ال حصل و  
مكناش عاوزين حضرتك تتعصب كامل : و ايه  
كمان ي دكتور ي عاقل .. انت ي ادم ده انت كنت  
اخر أملي ف العياده دي كلها ادم : انا اسف ي  
دكتور اخر مره كامل : امم انا حاسس كده انكم  
عاوزين قاعده مع عزيز ولا انتو رايكم ايه كلهم : لا  
بالله عليك ي دكتور الا عم عزيز كامل : طب يلا ي  
حلو منك ليه ليها ع المخزن القديم ال بقاله سبع  
تلاف سنه .. ها سمعتوني كلهم : حاضري  
دكتور كامل: عالم تخاف متختشيش ...

———— Part Break ————

کمال : ڀلا ڀ حلوانٽ و هو رتبوا کویس و  
بضمیر مالک: ما اڃا بنرتب اهو ڀ ڊکٽور کمال :

انت بترد عليا مالك : لا ي دكتور بكلم نفسي  
والله ادم : جاب ورا ديمه: جبان مالك: بس ي  
حبيبي انت و هي كمال : اه فكرتوني اجيب بقيه  
الملفات ال المفروض هتتحفظ هنا ديمه بخوف :  
هو لسه في ملفات ثاني مالك: ده احنا هنخلص ع  
اخر السنه ادم : ده لو خلصنا كمال : خلاص صعبتو  
عليا يوم ثاني تبغو تعملوها ديمه : كتر خيرك و الله  
ي دكتور قاطع كلامهم صوت كارما كارما بابتسامه  
باهته: انتو لسه بتنظمو الملفات كامل : جيتي ليه  
ي كارما ، انا قولتلك انك معاكي اجازه مفتوحه و  
قت ما تحسي انك كويسه تقدري ترجعي و بعدين  
انهارده اجازه اصلا كارما بهدوء : الصراحه مش  
عارفه اقعد ف البيت و مش ورايا حاجه ثانيه اعملها  
ف قولت اغير جو كامل بحزن : البقاء لله ي بنتي ،  
و ربنا يصبرك كارما بهدوء : و نعم بالله ديمه : يااه  
اخيرا خرجتي تكلمي بني ادمين مالك : طالما انت  
موجوده مش هتخرج ديمه : بارد ، انت مالك انت  
ي حشري كارما : ممكن تبطلو بقا تصرفات  
الأطفال دي و تعقلو ادم : ي رب اخيرا جه حد

عاقل كمال : انا ال جبته لنفسي يوم ما قلت اجيب  
دكاتره يشيلو الشغل من عليا شويا جابولي صداع  
جبتهك ي عبد المعين تعين لقيتك انت ال عاوز  
تتعان مالك : كده ي دكتور .. كده تجرح محاسيسنا  
كده مكنش العشم واللّه ي دكتور ديمه : الضربه  
لما بتيجي من القريب بتوجع ادم : انتو اكيد مش  
دكاتره ، ده انتو ال محتاجين دكاتره كارما : ايه ال  
مقعدك مع المجانين دول انهارد ي دكتور ، مش  
انهارده اجازه كمال بضحك : جيت ارجع ملفات  
كنت واخذها ف المكتب و لقيتهم هنا ف المخزن ،  
قلت بما اني مش هاعمل حاجه ولا ورايا شغل اجي  
اقعد معاهم هنا اتسلي و انا بتفرج عليهم و هما  
بيرتبو المخزن و الملفات ادم : ونعم التسليه ي  
دكتور مالك بدارميه : متوقعتهاش منك ي دكتور ،  
انت بتشغلنا هنا علشان كده ، علشان تتفرج علينا  
و احنا بنتعذب كارما : اوفر اوي الصراحه ادم : ربنا  
يصبرني عليه انا مش عارف طابق خلخته ازاي و هو  
ف وشي بقالو ٢٥ سنه مالك : انت تطول  
اصلا كمال بضحك و حنان : رغم اني مش طابقكم

و انتو غالبا بتجيب ليا صدام بس معنتش متخيل  
العياده كده من غير صوت خناق ديمه و مالك و لا  
تريقه ادم و كارما عليهم. عملتو للمركز ده حس و  
روح كارما بابتسامه هاديه : ربنا يحفظك لينا ي  
دكتور و يدك طوله العمر و نفضل فاتحين المركز  
ده ع طول ادم : انت ي دكتور كنت بالنسبه لينا زي  
الاب من ساعه ما جينا هنا من و احنا بندرس لغايت  
انهارده مش هننسي معاملتك لينا و فضلك علينا  
ي دكتور مالك : انا عمري ما تخيلت الصراحه اني  
اجي اشتغل هنا تحت ايد حضرتك شخصيا ديمه:  
الصراحه ده كان حلم من أحلامي من و انا طفله اني  
اكون دكتور شاطره زي حضرتك كمال : ربنا  
يحفظكم ليا و ربنا يعلم اني بعتركم ولادي ال  
مخلفتهمش مالك : كميه مشاعري جدعان  
.. ديمه : ديما تبوظ اللحظه كمال : طب يلا ياوض  
انت و هي كملو شغل قاطعهم صوت التليفون  
بتاع كارما كارما : الو نور : ..... كارما : ليه؟؟ نور :  
..... ... كارما : طب انا جايه حالا ادم : هو في ايه  
تاني كارما : مش عارفه نور بتقول ان في حد سئل

عليا بخصوص و فاه جدي مالك : هو مين ده كارما  
: مش عارفه الصراحه ممكن يكون حد من  
المستشفى ولا حاجه ديمه : اجي معاكي كارما :  
لا لا خليك انا هاروح اشوف في ايه و هتبقى اجي  
اقولكم ايه ال حصل كمال : خلي بالك من نفسك  
و لو في اي حاجه رني عليا و اهدي و متخانقيش  
مع حد كارما: تمام ي

دكتور \_\_\_\_\_ عند  
محمود محمود : يعني ايه يعني الكلام ال انت  
بتقوله ده المحامي: زي ما حضرتك شوفت كده  
بالضبط دي كلها أوراق سليمه محمود بعصبيه :  
اتصرفف امال انا جايبك ليه علشان توريني جمال  
خطوتك المحامي: هو في حل بس .. محمود :  
مفيش بس اي حل انا موافق عليه ، ايه هو الحل  
ده المحامي : .....

——— Part Break ———



كارما : مين حضرتك و عاوزني ف ايه : حضرتك  
مطلوب القبض عليكي كارما: القبض عليا ، بتهمه  
ايه : ف القسم و هتعرفي كل حاجه ف  
القسم و كيل النيايه : اتفضلي ي انسه كارما كارما  
: حضرتك انا مش جايه اتفضل انا هنا بعمل  
ايه و كيل النيايه : اهدي ي انسه و هتعرفي حالا كل  
حاجه كارما : طب ممكن اعرف تهمة ايه ا انا جايه  
بيها و كيل النيايه : انتي متهمه بقتل لاستاذ  
ثروت كارما بصدمه : نعم قتل الاستاذ ثروت ،  
حضرتك بتقول ايه هقتل جدي و كيل النيايه : ده  
المحضر ال والد حضرتك الاستاذ محمود ثروت  
رفعه عليكي و بيقول انه معاه الدليل كارما  
بسخرية : الاستاذ محمود ثروت و كيل النيايه: هو  
جاي و قال انه حابب يتكلم هنا ف النيايه لانه مش  
ضامن تعملي فيه ايه زي ما قتلتي جدك كارما  
بسخرية و برود : هو ال مش ضامني .... بعد  
فتره و كيل النيايه : اتفضل ي استاذ

محمود محمود دخل و هو بيدعي الحزن : شكرا ي  
فندم وكيل النيا به : انا هسيبكم دلوقتي  
تتكلمو محمود : شكرا جدا لحضرتك انك وافقت ع  
المقابله دي بعد ما وكيل النيا به مشي كارما ببرود  
: جبتنا هنا ليه بقا ان شاء الله ي استاذ  
محمود محمود : طب مستعجله علي رزقك ليه  
كده كارما ببرود : قول عاوز ايه بلا تمثيل و قرق  
بقا محمود : وانت مش عارفه انا جايبك هنا  
ليه كارما ببرود : لا مش عارفه ممكن بقا تخلص  
المسرحيه دي و تخلينا نفضا سيره محمود :  
هاخرجك من هنا بشرط واحد بس و هو انك  
تكتبيلي كل ميراثك ال اخدتيه من جدك  
باسمي كارما ببرود : ميراث ايه ال بتتكلم عليه ده  
لنا مش فاهمه حاجه محمود بعصبيه : متخاوليش  
تنرفزيني ، انت اقنعتي جدك يكتبلي الميراث كله  
ازاي دي بتاعتك انت ، و دلوقتي هتكتبيلي كل  
حاجه باسمي و هتخرجك من هنا بدل ما اضطر اخد  
القرار الثاني و نمشي ف سكه انا مش حابها كارما  
ببرود و تحدي : متحاولش تهددني علشان انا مش

با جي بالتهديد و الكلام الفارغ ده و اقولك حاجه  
كمان .. انا مش هتنازل عن الميراث بس طبعا انا  
احسن منك و هديك نصيبك منه محمود :  
متحاوليش تستفزيني ببرودك ده ، و ع العموم  
هنشوف مين ال هيكسب يلا بقا سلام ي حلوه

### كارما ببرود :

هانشوف \_\_\_\_\_ ف  
المركز مالك : ياااه اخيرا خلصنا ، متوقعتش اعيش  
للحظه دي ادم : طب يلا ي اخويا ديمه : هي كارما  
اتاخرت ليه كده ، هي مش قالت هتيجي بعد ما  
تخلص ادم : ما حد يرن عليها كمال : تقدر و انتو  
تروحو دلوقتي وانا هرن و اطمنكم ديمه : لا انا  
مستنيه انا قلقانه عليها اوي كمال: ان شاء الله  
خير \_\_\_\_\_ ف  
القسم وكيل النيايه : انت هتشرفينا هنا ٣ ايام  
لغايت ما نحقق من الادله كارما ببرود : ممكن

اعمل مكالمه وكيل النيايه : مش مسموح كارما :  
طب هوكل محامي ازاي لو مش هاقدر اتكلم ف  
التليفون وكيل النيايه : مسموح لك ٥ دقائق  
بالكتير كارما : تمام كارما : اتصلت بدكتور  
كمال \_\_\_\_\_ ف

المركز كمال: كارما بتتصل ديمه: رد بسرعه كمال  
: الو كارما : الو ي دكتور كمال : مالك ي كارما في  
ايه كارما : مفيش وقت ، انا ف قسم ... و محبوسه  
دلوقتي تلت ايام كمال : انتي بتقولي ايه كارما :  
مفيش وقت ي دكتور كمال : طب متقلقيش انا  
هاجيب محامي كويس و جاي بس قوليلي قضيه  
ايه ... تعدي ، سرقه ، ضرب ايه بالضبط كارما : قتل  
، جريمه قتل ي دكتور كمال : هارسود ، طب  
متخافيش انا جاي ادم : في ايه دكتور كمال : يلا  
بسرعه مفيش وقت اما اجي هفهمكم ادم : طب انا  
جاي معاك ي دكتور كمال : طب يلا بسرعه علي  
ما اعمل مكالمه و اجي وراك .. دي مفاتيح العربيه  
، و انتو الاتنين خليكو هنا لغايت ما نيحي ،  
تمام ديمه : تمام ي دكتور مالك : ابقني طمنا ي

دكتور كمال بعجله : طيب ، يلا

سلام \_\_\_\_\_ ف

القسم ادم : هو احنا جايين القسم ليه ي  
دكتور كمال : كارما جوه ادم : ايه؟؟ بتعمل ايه  
جوا كمال : انا معرفتش استفسر منها عن اي  
حاجه بس كل ال اعرفه انها متهمه ف جريمه  
قتل ادم : قتل !! كمال : يلا ي ادم مش وقت  
استغراب انا بعث لها محامي زمانه خلص جوه  
تعالى انا نشوف ايه ال حصل كمال : ها  
طمني المحامي : للأسف لازم تقعد ع الاقل تلت  
ايام علي ذمه التحقيق علشان يتاكدو من الادله ا  
الاستاذ محمود مقدمها ضدها و بعدين ساعتها  
نقدر نشتغل او ال انا عرفته منها انه ممكن يطلعها  
من السجن بمقابل انعا تتنازل له عن الورث بتعها  
من الاستاذ ثروت الله يرحمه كمال بتفكير : و  
مفيش اي حل تاني المحامي : انكم تتكلمو و  
تخلوها بشكل ودي مع الاستاذ محمود ثروت كمال  
: طيب شكرا ي متر المحامي: علي ايه دكتور ، يلا  
مع السلامه كمال: مع السلامه ادم باستغراب : هو

مش محمود ثروت ال رفع القضية ده يبقي والد  
كارما ولا ايه ؟ انا مش فاهم حاجه ؟؟

———— Part Break ————

ادم : هو مش محمود ثروت ال رفع القضية ده  
يبقي والد كارما ولا ايه ؟؟ انا مش فاهم حاجه  
! كمال بخيبه امل : ف الحقيقه هو والد كارما  
فعلا ادم بتساؤل : طب ليه رفع عليها قضيه طالما  
يبقي فعلا باباها كمال : انا الصراحه مش عارف،  
تعالى بس نمشي دلوقتي و ف العربيه هحكىلك  
كل ال اعرفه ف العربيه كمال : ف الحقيقه  
الاستاذ ثروت الله يرحمه ده كان معرفه من زمان  
يعني و كنا علي علاقه كويسه بس انا مكنتش  
اعرف ابنه ده خالص ، كل ال انا عرفته انه كان  
عايش ف القاهره مع كارما و بعدين هي قررت من

فتره انها تسبب البيت هناك و تيجي تعيش مع  
الاستاذ ثروت يعني هي اصلا مكنتش مقيمه هنا  
مع جدها انما كانت بتيجي ف الإجازات بس ع حد  
علمي. ادم بتفكير : غريبه الصراحه ، انا مش عارف  
ايه الأسباب ال ممكن تخلي يعمل كده ايا  
يكن كمال : انت ك دكتور لازم تكون عارف ان مش  
كل الناس ف الدنيا دي سويه ، وأن في اشخاص  
مريضه بس مش نفسي و لا جسدي بس ربنا  
بيكون بليهم بمرض او حش و هو مرض الضمير و  
عمي القلب ف الحاله دي بس الانسان بيتجرد من  
كل صفاته الإنسانية. ادم : طيب و الحل  
دلوقتي كامل : تعالي بس معايا واحنا

هنتصرف \_\_\_\_\_ عند

كارما ف التخشيبيه.. العسكري : ادخلي هنا  
.. دخلت كارما اوضه ضيقه و ضلمه و فيها بس  
مقعد خشب صغير قرب يتدمر اوضه زي ال كانت  
بتشوفها ف المسلسلات ... قاطع تفكيرها صوت  
وحده من المساجين و هي بتقول الكبيره : ايه ي  
حلوه دخله ف وشك كده ليه ، هي التخشيبيه دي



ملهاش كبير ولا ايه كارما ببرود : و  
المطلوب الكبيره قربت منها و قالت : انا الكبيره  
هنا و الكل بيسمع كلمتي مفهوم كارما كانت  
بتبص ببرود منغير حتي ما عنيا ترمش و كانت  
بتتامل الست دي كانت ست ضخمة و لابسه جلبيه  
سمرا و شعرها لونه اصفر لون اسبونش بوب  
وكانت واخده غرزها تحت عنيا و كانت حرفيا  
مخيفه الكبيره : انتي مفهمتيش انا قولت ايه ولا  
انت شكلك غبيه و هتتعبينا كارما مدتهاش اي  
اهتمام و كملت مشيها ببرود لغايه ما وصلت علي  
الكنبه الخشب ال ف وسط الاوضه و قعت  
عليها الكبيره بنرفزه و غيظ : انتي ي بتاعه انت  
انتي مش خايفه مني ولا ايه .. كارما ببرود و هي  
بتنفخ : اووف ، انتي عاوزه ايه دلوقتي الكبيره و  
هي تمكن منها الغضب : انتي شكلك عاوزه تعرفي  
انا ممكن اعملك فيكي ايه ، بت ي مديحه بت ي  
نفيسه .. رحبو بيها قامت اتنين ستات من ع الارض  
و هما جاين ناحيه كارما كارما ببرود : لو قربتي انتي  
و هي هنا هوريكم انا ممكن اعمل فيكم ايه ... انتو

شكلوكم متعرفوش انا جيت هنا ليه الكبيره : و  
جيتي هنا ليه بقا ي حيلتها ، ده انت شكلك كده من  
العيال السيس بتوع بابي و مامي كارما : طب اهي  
جت الفرصه اعرفك بنفسي انا بقا يستي جايه هنا  
علشان انا قتلت جدي و استغليت علي ورثه و  
عامله مشاكل مع عيلتي و بابا هو ال رافع عليا  
القضيه كمان الكبيره بشيء من التوتر : قالتي  
جذك؟؟ انت كارما بشر : عارفه انا قتله ازاي انا  
دكتور و عملت له ماده معينه و ذوبته فيها و هي  
معايا ف هدومي دلوقتي لو بس لمست ايدك  
ممکن تسيحها الكبيره بخوف : معلمه ، .. انت  
المعلمه هنا ، ي يت ي نفيسه ي مديحه ، شوفو  
طلبات المعلمه كارما : لا انا مش عاوزه حاجه  
ممکن بقا مسمعش صوت علشان انا عاوزه اريح  
شويه الكبيره : اوامرك ي معلمه ، سمعتها قالت  
ايه ، مسمعش صوت حد

فيكم \_\_\_\_\_ عند ادم  
و كمال ادم : ما تفهمني ي دكتور هنعمل ايه و لا  
راحين فين كده كمال : هنعمل زي ما المحامي

قال ، هنروح نتكلم مع محمود ده و نحاول نحل  
الموضوع ادم : طب انت عارف هو فين ي  
دكتور كمال : اتمني يكون مكان ما انا  
متوقع وصلو عند محمود و خبطو الباب محمود :  
انتو مين و عاوزين ايه كمال : احمم ، انا دكتور  
كمال محمود بسماجه : اتشرفنا ، عاوز ايه  
بقا كمال : طيب ممكن نتكلم جوه محمود بملل  
:اتفضلو كمال : انا هادخل ف الموضوع ع طول ،  
احنا جايين بخصوص كارما محمود بمقاطعه : انا  
كده بقا ، كارما طب خلي ف علمكم بقا انا مش  
هتنازل عن المحضر الا لما اخد فلوسي  
كامله كمال: اهدي ي استاذ محمود انا معرفش اي  
حاجه عن الموضوع ده ، انا بس.. محمود : انا كلامي  
واضح و مش هاعيده ادم : حضرتك افهمنا بس ،  
احنا هنفذ كل ال انت عاوزه بس مقابل كده تتنازل  
عن المحضر محمود : خلاص يعني هتخلوها تتنازل  
عن الورث كمال بتفكير : هنخليها بس تخرجها من  
الحبس ف اسرع وقت محمود بشر : اعتبره حصل  
من بكرة هتكون بره كمال : خلاص تمام انا هتصرف

ف الموضوع ده محمود بضحكه صفرا : شرفتنى ي

دكتور \_\_\_\_\_ عند

كارما كارما : هو انا ممكن اطلب حاجه

كمان الكبيره: اطلبى ي معلمه كارما: ا....

——— Part Break ———

. عند كارما كارما : انا عاوزه تليفون الكبيره :

الحاجات دي مش مسموح بيها كارما : ي كبيره ..  
يعني عاوزه تقوليلي انك مش معاكي تليفون  
هنا الكبيره بحذر : اني معايا بس مش هينفع حد  
يشوفك بيه كارما : خلاص متخافيش انا هروح هتا  
كده ف الجنب ده و ادتها الكبيره تليفون زراير قديم  
من وسط هدومها كارما راحت ف جنب و حاولت  
تكتب رقم دكتور كمال و فعلا رنت عليه كمال : الو  
.. مين كارما بلهفه و صوت واطي : دكتور كمال .. انا  
كارما كمال بدهشه : كارما ادم جمبه : شغل  
الاسبىكر علشان تسمعها كمال : انتي فين ي  
كارما كارما بصوت واطي : انا لسه ف البتاع ده  
التخشييه زي ما بيقولي مكاني متحركتش كمال :  
طب خلاص احنا لقينا حل متخافيش كارما : طب و  
هتطلعوني من هنا امتي ادم : بكرة بالكتير ي كارما  
بس لازم تسمعي كل ال هنقول عليه كارما : تمام ،  
انا هضطر اقفل دلوقتي ، سلام كمال :  
سلام \_\_\_\_\_ عند ادم و  
كمال ادم : هنروح فين دلوقتي ي دكتور كمال :  
هنروح العياده علشان اقفلها و اخذ المفاتيح ، ربنا

يستر انا سايب ديمه و مالك هناك ي رب ما يكونو  
ولعو ف العياده ادم بضحك : لا خير .. خير ف  
العياده ~ ديمه : ي تري ايه ال حصل مالك :  
علمي علمك ديمه : ربنا يستر ، نتصل بيهم ولا  
ايه مالك : لا انا كلمت ادم و هو قال إنهم راجعين  
ف الطريق ديمه : قالك اي حاجه عن كارما مالك :  
لا ، وبطلتي زن بقا علشان انا دماغي صدعت ديمه :  
ده انت بني آدم سئيل و بارد و مستفز انا غلطانه اني  
سألتك اصلا وقامت ديمه و هي متعصبه و كانت  
راسها هتتخبط ف رف الملفات ال فوقها بس مالك  
لحقها مالك بعصبيه : مش تركزي ي غبيه انت ،  
كان ممكن تفتحي دماغك ديمه : انت بتزعقلي ليه  
، وانت مالك اصلا افتح دماغي ولا لا يخصك ف  
ايه مالك و هو بيهدي نفسه : احم ، انا اسف اني  
اتعصبت عليكي ، بس كان لازم تركزي شويه ديمه  
كانت متعصبه و مضايقه و مردتش عليه مالك :  
خلاص بقا ي حجه متعمليش فيها مقموصه ديمه  
: اخرص ي مالك بدل ما ادخل فيك السجن كمال :  
لا ي شيخه بالله عليكي بلاش السجن مالك :

دكتور كمال ! انت جيت امتي ادم : و ديمه بتقول  
انها هتدخل فيك السجن كمال : كنت متأكد انكم  
اكيد بتتخانقوا ، انتو مش هتكبرو خالص ديمه : ها  
ي دكتور ايه ال حصل مع كارما كمال : للأسف  
هتفضل انهارده ف الحبس، لغايت ما نتصرف ديمه  
بصدمة: ف الحبس!! ادم : هو الحوار طويل بس  
الملخص بتاعه انها متهمه ف جريمه قتل جدها و  
هتفضل لغايت بكره ف الحبس بس الحمد لله  
لقينا حل و هتخرج ان شاء الله مالك : جريمه قتل  
جدها ازاي اصلا و هو مات و ادفن و هي مش  
هناك ادم : ما هو كان ميت قبل بيوم من ما ادفن  
فيه، في بقا تفاصيل كتير احنا مش عارفينها ديمه  
باستفسار: طب و مين ال رفع عليها القضية  
دي كمال : محمود ثروت مالك بصدمة :  
والدها ادم : للأسف ديمه : كارما كانت طول الوقت  
كتومه و مش بتحب تحكي اي حاجه بتحصل ف  
حياتها الشخصيه و انا بدوري مسالتش عن أي  
حاجه من دي كمال : المشكله ان كارما مش بتحب  
حد يعند قصادها و ال انا فهمته انها رفضت تسلم



له الورث لانه اتحداها انه هيحبسها مالك : قام نفذ  
تهديده بجد و حبسها ادم : بس انا عندي نقطه  
صغيره كده لسه واخذ بالي منها هو رفع عليها قضيه  
و علشان يرفع قضيه لازم يكون معاه ادله علشان  
يتم القبض عليها كمال : لا ، هو رفع قضيه عليا انه  
شاكك انها قتلتة ف بالتالي هي بتحبس ع ذمه  
القضيه لغايت ما يجمعو ادله او يشرحو الجثه ، الا  
لو سحب هو البلاغ ادم : طيب ما هي مقتلتهاوش  
ف لو طلعو الجثه و اتشرحت هييان انها مش هي ا  
قتلتو ف بالتالي مش هتضطر تتنازل عن  
ورثها كمال : دي وجه نظر ولاكن هل انت تضمن  
شخص زي ده انه ميزورش التقارير او مثلا هو  
يكون سبب اساس ف موته اصلا علشان تكون  
جريمه كامله مالك : دكتور كمال معاه حق ..  
شخص زي ده محدش يقدر يثق فيه ديمه : المهم  
من ده كله ان كارما تطلع بخير من هناك كمال  
بغموض: هو ده ال هنعرفه بكره ادم : بس ده لو  
هي قبلت تتنازل عن الورث و البني آدم الثاني ده  
مستفزهاس مالك : ربنا

يستـر -----

----- ملحوظه اي معلومات قانونيه  
قضائية او اي معلومه عامتا اذكـرت ف الفصل او  
اي فصل تاني ده لها علاقه بالسجن الحاجات دي ف  
هي غلط او انا عامتا مش عارفه ايه أساسها من  
الصحه . دي بس بهدف الحبكة الدراميه و انا بشوف  
كده ف المسلسلات، ف نـعديها ي شباب □

----- Part Break -----

تاني يوم محمود : احنا تفقنا انا هسحب البلاغ و  
هخرجها بمقابل انها تتنازل بدورها عن الورث كمال  
: احنا اتفقنا ي استاذ محمود محمود : خلاص ي  
دكتور انا نفذت وعدي فاضل هي بس تمضي ع  
الورق بس ادم : يعني هي طلعت دلوقتي محمود  
: المفروض كمال : طب يلا و احنا هنخليها تمضي  
ع الورق و كل ال انت عاوزه محمود : انا واثق من  
ده لأنها مش عندها حل تاني و الا هضطر اتصرف  
تصرف تاني مش هيعجب حد كمال : انت مش  
مضطر ي استاذ محمود احنا خلاص اتفقنا محمود  
: طب يلا بينا انا معايا كل الأوراق و العقود  
اللازمه \_\_\_\_\_ عند  
كارما كانت قاعده مكانها مستنيه بفارغ الصبر  
تخرج من المكان ده بعد مده دخل عسكري و نده

عليها العسكري : كارما محمود ثروت كارما بلهفه :  
نعم العسكري : اتفضلي خرجت كارما مع  
العسكري و خلصت كل حاجه و خرجت بره القسم  
~ كان كمال و أقف و معاه كمال انما محمود كان  
بتجهز العقود هو و المحامي ف كافيه قريب و  
مستنيين كارما كمال اول ما شافها راح لها بسرعه  
و قال : حمد لله ع سلامتك ي بنتي، انتي  
كويسه كانت كارما تعبانة من كل ال حصل امبارح  
و بسبب انها برضو معرفتش تنام ولا تاكل  
حاجه كارما بهدوء: انا بخير الحمد لله ، شكرا ي  
دكتور علي كل ال حضرتك عملته علشاني انا بجد  
مش عارفه اشكركم ازاي ادم : بس لسه ف  
حاجه كارما باستغراب : حاجه ايه كمال : احمم ،  
احنا علشان نطلعك كان لازم والدك يتنازل عن  
المحضر و انت عارفه طلبه علشان يتنازل كارما:  
يعني هو ال ةتنازل هن المحضر ع اساس انا هتنازل  
عن ورث جدي كمال : انا عارف ي بنتي انه صعب  
عليكي بس هو ممكن يعمل اي حاجه ساعتها مش  
هنعرف نخرجك و اظن ان انتي مش فارق معاكي

الفلوس صح كارما: طبعا مش فارقه معايا الفلوس  
، بس دي اخر حاجه جدي وصاني عليها قبل ما  
يتوفي كمال : ناا اسف ي كارما ان انا مقدرتش  
اعمل اي حاجه علشانك بس بالنسبالي انك تخرجي  
من الحبس ده اهم حاجه و مفكرتش كتير  
ساعتها كارما : انا مش عارفه اشكر حضرتك ازاي  
علي وقفك جمبي وانا فعلا مقدره كل حاجه  
حضرتك هملتها علشاني و بعدين دي مشكلتي انا ،  
وانا كنت عارفه انه هايوصل لل عاوزه باي شكل  
حتي لو علي حساب اي حاجه تانيه . كامل: طب يلا  
بقا علشان هو مستني هناك و متخافيش احنا  
معاكي لو حصل اي حاجه كارما : شكرا ف الكافيه  
~ محمود : جاهزه تنفذي كل ال انا قولت  
عليه كارما ببرود : ايوه محمود : طب اتفضلي  
امضي ع الورق ده كارما مضت علي كل الورق ال  
كان موجود ببرود و قامت كارما ببرود : هسالك اخر  
سؤال يمكن ف حياتي كلها انتي ايه ال خلاك متأكد  
ان انا هшил القضية لو النيا به شرحه الجته ، أو ايه  
الادله ال كانت معاك .. علشان انا عارفه ان انت

عارف ان انا مقتلتش جدي محمود بشر : العلاج ،  
العلاج ال فضل بياخده اخر شهرين ف حياته ..  
العلاج ال مكنش المفروض ياخده ي دكتور له لانه ف  
نسبه من ماده معينه بتموت بالبطيء وال كان  
بيتاخذ كل يوم بجرعه معينه .. و اي تشريح للجثه  
هيبان كل ده ... ومين ال كان مسؤل عن علاجه ...  
انت اكيد عارفه مين ... انت طبعا .. كارما بصدمه : و  
مين ال كان بيحب له العلاج ده بدل علاجه الثاني ...  
مش انت اكيد محمود : لا طبعا هو انا هاقتل  
والدي بأيدي حد ثاني و هتعرفيه قريب .. او مش  
هاتعرفيه انت و حظك بقا ... يلا سلام ي  
جميل كانت كارما واقفه مصدومه، مش بتتخرك و  
لا بتبدي اي رده فعل، يعني ف حد متسلط يقتل  
جدها. بباها هو ال قتلها بس في حد مشترك معاه  
ف الجريمه دي شخص ممكن تكون هي عرفاه و  
بتتعامل معاه يوميا كمان و ممكن يكون شخص  
مجهول .... سؤال محير .. هل ممكن الشخص ده  
قتله بدافع الفلوس ، ولا كان بيكرهه و لا بيكرهها  
هي ذات نفسها محدش يعرف !!!!، مشي محمود و

راح لها كمال و ادم ادم : كارما ... كارما.. انتي  
معانا كارما : ها .. بتقول حاجه ادم : في ايه ي كارما  
هو البني آدم ده عمل لك حاجه ولا ايه كارما بشرود  
: لا كمال بهدوء : طب مالك ي كارما انت كويسه ،  
طب تعالي معايا ارتاحي الأول و بعدين احكي  
براحتك كارما كانت ف عالم ثاني مكنتش سامعه  
ايه صوت كل الأصوات كانت داخله ف بعض و  
مش مفهومه و فجأه اغمي عليها !!!

———— Part Break ————

"أَدَاوِي جِرَاحاً وَ جُرْجِي يَرْجُو مَنْ يُدَاوِيهِ" ف  
العياده ادم : الحمد لله هي بخير بس محتاجه  
شويه راحه اظن انها اغمي عليها بسبب اقله الاكل و  
النوم بسبب يعني كل ال حصل ده كمال : ربنا  
يعينها علي كل ال حصل ده و محدش يعرف ايه ال  
هي مخبياه جواها و مستحمله لغايت دلوقتي ادم  
بشروء : اكيد مش هين كمال قعد ناحيه الشباك و  
قال : كل واحد فينا عنده جرح و ألم بيحاول  
يتعايش معاه بس ف الحقيقه هو مش قادر



يتخطاه جه بعدها مالك و ديمه ديمه : ايه ي  
دكتور هي كويسه دلوقتي... طمنوني كمال : هي  
كويسه هي بس محتاجه ترتاح من كل ال حصل  
ده ديمه : الحمد لله انها عدت علي خير المهم انها  
كويسه دلوقتي مالك : هي سلمته الورث كله زي  
ما طلب كمال : للأسف بعد فتره فاقت  
كارما ديمه بحب: حمد لله ع السلامه ي  
قلبي مالك : كفاره ادم بصله باصه قاتله و قال :  
مالك .. مالك : احمم .. انا اسف انا بحاول بس  
افك الدنيا كمال : متحاولش تاني كارما بتعب :  
شكري جماعه ع واقفتكم معايا انا كويسه دلوقتي  
.. كمال : اديكم سمعتو اهو بودانكم يلا بقا ي حلو  
انت و هي كل واحد ع شغله ديمه : طب هقعد  
معاها علشان لو احتاجت حاجه كرما : لا كتر خيرك  
انا كويسه مالك : يالهي ع الكسفهمههه ، ي ريت  
تروحي ع شغللك بقا ي دكتوره كمال : وانت كمان  
ي دكتور ي ريت تتفضل ع شغللك كمال : روح  
انت بقا ي ادم ارتاح انت تعبت معايا ، وانت كمان  
ي كارما روحو الاتنين كارما راحت ع مكانها

المفضل .. المكان ال بتشوف فيه جدها ع طول ال  
بتحس فيه ان روحه معاها و بتحضنها و تحتويها ..  
البحر البحر ال كل العشاق بيروحو ليه .. ال كل  
الشعراء بيتغنو بيه ... و كل المجروحين بيتداوو بيه  
.. كارما بصوت مُتعب : انا اسفه ... انا اسفه ي جدو  
مقدرتش احافظ ع الامانه ال انت سبتهاي .. حتي  
مش قادره علي الاقل ارجع لك حقك... انا اسفه  
.. ادم : انت هنا تاني .. كارما بصت وراها و لقت  
ادم كارما : انت ال هنا بتعمل ايه جاوبها ادم و هو  
بيبص ع البحر و بيتمشي و قال " البحر ده هو ال  
بيسمع كل الكلام ال احنا مش بعرف نقوله لأي حد  
، علشان كده جيت ، وانت كمان علشان كده جيتي  
" كارما بهدوء : يمكن يكون معاك حق.. ادم : في  
لسه حاجه انت محكيتهاش ، مش هاجبرك تقوليها  
بس انا موجود لو حابه تحكي كارما بصت ناحيه  
البحر و سكتت لحظات .. و رمت حصاه ف البحر و  
قالت و هي بتكمل تبص ع البحر كارما بنبره حزن :  
انا مش عارفه اجيب حقه .. ادم فضل ساكت و  
مستنيه تكمل كلامها كارما كملت و قالت : محمود

ثروت هو السبب .. وشخص تاني هو ال بينفذ .. كان  
بيدي جدي ماده مع العلاج بتموت بالبطيئ .. اي  
تشريح للجثه هتبان الماده دي .. و .. انا ال هшил  
الليله كلها ادم : و مين ال بيساعده كارما : مش  
عارفه .. ممكن حد نعرفه و ممكن لا .. ادم : اكيد ده  
الشخص ال بيحب لجذك العلاج كارما : جدي هو  
ال كان بيحبه او بيخلي حد يحبه بس انا مش  
عارفه الصراحه مين ادم : المهم متعمليش اي  
تصرف دلوقتي علشان اي حاجه هتعملها هتكون  
خطر ع حياتك انت كارما : مش هعمل حاجه ..  
مفيش ف ايدي اي حاجه اعملها اصلا ادم : طيب و  
هتروحي فين دلوقتي كارما : هروح عند نور جارتنا  
لغايت ما الاقي سكن ادم : هو انتي تعرفيها  
كويس كارما : ايوه دي ال كانت معايا ف جنازه  
جدي و جدها كان صاحبه و هي عايشه قريب من  
جدها علشان تفضل معاه و تخلي بالها منه ادم :  
طب يلا هوصلك كارما : متعبش نفسك ادم : يلا  
ي بنتي بقا مش لسه هتحايل ف البيت كارما : انا  
اسفه ي نور ان انا هتكلم عليك، بس واله ع ما

الاقى سكن انت عارفه بقا الظروف نور : كارما انتي  
زي اختي و مفيش حاجه اسمها سكن انتي  
هتقعدي معايا هنا كارما : كده كتير والله ي نور انا  
مش عارفه اشكرك ازاي ع ال انت عملتيه معايا ده  
من ساعه و فاه جدي نور : والله ازعل منك ده احنا  
عشره و بعدين جدك ده له معزه تانيه عندي و ربنا  
يعلم كل ال خير ال هو عمله ليا و كل ال  
ساعدهولي ----- تاني  
يوم ف العياده كمال : انا عندي لكم خبر حلو مالك  
: ي سلام ع اخبارك ي دكتور ديمه : اجازه لمدته  
شهر صح؟؟ ادم : سيبك منهم ي دكتور ، ايه هو  
الخبر بقا كمال ..... :

——— Part Break ———

كمال : مستعدين للمفاجاه يعني ديمه : قول  
بقا ي دكتور كمال : هנסافر المانيا ادم : هنروح  
المانيا ليه ي دكتور؟؟ مالك : ايه ي اخي السؤال  
ده ، اخيرا الدنيا هتضحك لنا و نغني بقا اه لو لعبت  
ي زهر ، و نرقص بالدولارات يالا كارما : خيالك  
واسع ديمه : احلام البؤساء ادم : اصلا ف المانيا  
بيتعاملو باليورو ي جاهل مالك : اصلا .. كمال :  
خلصتو فقره الهبل دي ، ممكن اكمل كلامي  
بقا كارما : اتفضل ي دكتور كمال : احنا هנסافر

المانيا علشان نحضر هناك مؤتمر مهم ، هو ف  
الحقيقه انا هاحضر المؤتمر بس عاوزكم تكونو  
معايا علشان تتعاملو مع الأطباء و تشوفو  
السيستم هناك ماشي ازاي و تاخدوا خبره اكر ف  
المجال، و طبعا انتو هتيجي معايا ع اساس انكم  
فريقي الطبي، ف ياريت تشرفوني هناك .. ها  
تشرفوني مالك : متقلقش من الناحيه دي كمال :  
لل خلاص انا كده قلقنت .. ربنا يستر ضحك  
الكل ادم : طيب و هنسافر امتي ي دكتور كمال  
: قدامكم بالضبط كده ٥ ايام من انهارده تجهزو و  
تجهزو كل ال حاجات المهمه ال هتحتاجوها معاكم  
بس خلو بالكم الحاجات المهمه بس علشان الوزن ..  
تمام ي ديمه هانم علشان انا عارفك انتي بتيجي  
كل يوم بشنطه سفر هنا العياده ديمه : والله انت  
ظلمني ي دكتور ، ده دي الحاجات الاساسيه بس  
والله مالك : ده ع كده هتحتاجي اسطول علشان  
تغطي فيه حاجاتك المهمه بقا ديمه : لا ي  
خفه ادم : انا عندي اقتراح ي دكتور ، احنا ممكن  
نسيب مالك و ديمه هنا بما ان مفيش حد هنا ف

العياده كارما : وانا موافقه ع الاقتراح ي  
دكتور كمال : والله لو عليا انا موافق بس اعمل ايه  
نصيبى كده مالك بداميه : يااه ع الطعنه ال لما  
تيجي من اقرب الناس ديمه بتكمله ل كلامه :  
بتوجع.. كارما : خلصتو .. ديمه: اه ادم : طب  
هنروح نشوف وانا ايه بقا كمال بيأس : ربنا

يصبرني -----  
ف البيت كارما و هي بتجهز شويه حاجات علشان  
السفر نور : انتي هتسافري ي كوكي كارما : ايوه  
ي نونو ... بس متقلقيش كلها فتره صغيره وراجع  
تاني ، مش هلحق اوحشك نور : هتوحشيني طبعا ،  
يلا تيجي بالسلامه ، تعالى بقا نسهر مع بعض  
انهارده بقلنا كتير مقعدناش قعده حلوه مع  
بعض كارما : والله وحشتني السهره نور : خلاص  
اسبقيني و انا هجهز ال حاجات و جايه كارما :  
تمام نور : ها ي ستي سرحانه ف ايه كارما بتنهيده  
: هيببي.. سرحانه ف كل حاجه حصلت الايام ال  
فاتت .. كل حاجه جت بسرعه مش قادره استوعبها  
لحد دلوقتي نور : انا عارفه ي حبيبتي ان ال حصل

ده كان صعب عليكي بس استحملي.. انت قدها و  
ربنا يعينك كارما : ي رب ، سيبك مني انا خلينا  
فيكي انت مفيش حاجه كده ولا كده نور : حاجه ايه  
بس ، خلاص راحت علينا كارما : ليه بس بتقولي  
كده ده انتي لسه ست اربعينية جميله و بعدين  
يعيني مش معني ان واحد طلع وحش يبقي الكل  
كده نور : ياااه دي قصه قديمه قوي كارما : انا  
اسفه اني فكرتك بحاجه زي دي نور : لا ي بنتي ولا  
حاجه عادي دي تجربه و عدت و انا قدامك  
اهو كارما : لسه بتحبيه نور : مين؟؟ كارما : انت  
كنت قلتيلي قبل كده عن الشخص ال انت كنتي  
بتحبيه بس محصلش نصيب نور : ياه انت قلبك  
اسود .. لسه فاكهه كارما : طب احكي لي بقا مين  
سعيد الحظ ال خاطف قلبك لحد دلوقتي ده نور :  
ي ستي دي حكاية طويله . كارما : انا مش ورايا اي  
حاجه ، ها يلا انا سامعه نور : الحكايه كلها انه كان  
فيه شخص جارنا كاب بيحبني .. والصرache انا كمان  
كنت معجبه بيه هو جه ف يوم كلمني و قالي انه  
بيحبني وكده قتلته انه لو بيحبني بجد لازم يتقدملي



رسمي ساعتها وافق و وعدني انه يكلم والده ف  
الموضوع بس ساعتها كان باباه متفق انه يجوزه من  
بنت عمه و أجبره ساعتها انه يتجوزها حتي منغير  
ما يسمع اي عذر ف هو علشان يرضي والده اضطر  
يسيبيني و يتجوز بنت عمه و بس ي ستي. كارما :  
قصه قصيره حزينه نور : يلا بقا النصيب كارما :  
طيب و مين الشخص ده بقا

؟؟؟؟

توقعو مين ؟؟؟

———— Part Break ————

ف العياده تاني يوم كمال : مالك انت هتيجي  
معايا المخزن هنجيب شويه ملفات مهمه، و انتي  
ي ديمه هتودي الملفات دي الأرشيف ال هنا ، ادم  
و كارما هيكمولو شغل هنا ف المكتب و هيجهزو  
الملفات المهمه و الأوراق ال هناخذها معنا ،  
مفهوم الكل : تمام ي دكتور راح مالك مع كمال و  
ديمه راحت بالملفات الأرشيف و ادم و كارما كملو  
شغل و تنظيم الملفات و الورق بره ف الريسبشن

عند السكرتيرة السكرتيرة: طيب اهدي حضره لحظه  
واحد هنادي الدكتور الست بانهيبار : بسرعه بالله  
عليكي ابني بيموت خلي اي حد يلحقه ادم و كارما  
جهم ع صوت الست دي ادم بجديه : هو فيه ايه ايه  
الصوت ده الست : الحق ابني ي دكتور ، ابني مش  
راضي يفوق .. بالله عليك شوفه كارما : اهدي ي  
مدام ابن حضرتك هيكون بخير ان شاء الله نقل  
ادم الطفل ع الاوضه و كارما هدت الست و راحت  
له السكرتيرة: متقلقيش ان شاء الله خير ، اتفضلي  
اشربي الست بدموع : لا شكرا بعد فتره خرج ادم و  
كارما من اوضه الكشف و دخلت الست  
بلهفه الست بلهفه : ابني كويس ي دكتور ادم :  
الحمد لله هو دلوقتي بخير ، محتاجين بس شويه  
اشعه علشان نتطمئن ان كل حاجه كويسه ، بس  
كان ايه سبب الخبطه دي الست بحزن : هو كان  
يلعب ف الشقه و انا ماخدتش بالي و وقع من ع  
السلم و لقيته قطع نفس ف جريت بيه ع هنا ع  
طول كارما : الحمد لله هو بخير دلوقتي و ان شاء  
الله يقوم بالسلامه الست : شكرا بجد ع ال انتو

عملتوه ده ، ده جميل مش هنساه طول عمري ادم  
: علي ايه ، ده واجبنا ك دكاتره كمال رجع هو و  
مالك كمال : ايه ي كارما ال حصل انا سامع دوشه  
من وانا ف المخزن كارما : كان فيه طفل تعبنا جه  
العياده لسه و لحقناه الحمد لله ع اخر لحظه كمال  
: الحمد لله ، و هو عامل ايه دلوقتي كارما : ادم  
خده اوضه الاشعه علشان يطمئن عليه كمال :  
كويس ، انا فخور بيكم ي ولاد انكم عرفتو  
تتصرفو كارما : تلامذتك ي دكتور بعد شويه خرج  
ادم و معاه الطفل ووالدته ادم بابتسامه : حمد لله  
ع السلامه الست بابتسامه متعبه : الله يسلمك ،  
وشكرا بجد ع كل ال عملتوه ادم : العفو  
حضرتك كمال بابتسامه : ياااه الايام عدت والواحد  
كده بقا يقدر يعتمد عليكم ي دكاتره ادم بابتسامه :  
كلو بفضلك ي دكتور كمال : بفضل ربنا اولاء  
بفضل شغلکم و تعبکم کل السنين ال فانت  
كلها مالك : انا ع طول كده باجي متأخر ديمه :  
ملحقتش اشوف ال حصل كمال : و من هنا حابب  
اقولکم تاني و افکرکم بالقسم ال اقمسمتو بيه ،

الإنسانيه اولاً و بعدين كل حاجه اوعو تيجو ف يوم ع  
حد او تبيعو ضميركم و انسانيتم علشان الفلوس  
او علشان اي حاجه ثانيه الكل : اكيد ي دكتور ،  
مفهوم كمال : طب يلا بقا احنا خلصنا انهاده وانا  
عازمكم ع الغدا مالك : ايه الكرم ده كله ي  
دكتور ادم : يعني مش هتيجي مالك بضحك : لا  
طبعا هاجي ديمه : طفس كارما : ربنا يهديكم ي  
جماعه

والله -----  
ف المطعم كمال طلع من جيبه ظرف ابيض كبير  
و حطه ع الترابيزه مالك: احنا هنشتغل تاني ولا ايه  
ي دكتور ، انا كنت حاسس والله كمال : لا ي  
ظريف و فتح الظرف و قال : دي تذاكر السفر و  
كل الورق ال هتحتاجو معاكم.. كارما : طب وايه  
الأوراق دي ي دكتور كمال : دي أوراق فيها  
المواعيد و العناوين ال هتحتاجها هناك و طبعا  
كرت الفندق و كل الحاجات دي ادم: احنا كده  
هنسافر بعد تلت ايام مضبوط كده كمال : مضبوط ،  
جهزتو كل حاجه كارما : انا جهزت كل حاجتي مالك

: انا جاهز لو هنمشي بكرة ديمه : هو احنا هنفضل  
هناك قد ايه كده ي دكتور كمال : مش كتير يعني  
حوالي ٥ ايام ديمه : بس مالك بضحك: انتي مش  
عاوزه ترجعي البيت ولا ايه ديمه بصوت هادي و  
حزن : ي ريت مالك : انتي بتقولي ايه ديمه بتوتر:  
هاا .. ولا حاجه مالك باستغراب : مالها دي

؟!!

-----

-----

———— Part Break ————

عند ديمه ف البيت والده ديمه : راحه فين ف  
الوقت ده ؟؟ ديمه : انا مسافره مامتها : مسافره  
فين ، و ال هو ازاي يعني مسافره ديمه : ما انا  
قلت لحضرتك مم كام يوم ان انا مسافره مع دكتور  
كمال نحضر مؤتمر ف المانيا مامتها : امم .. و  
هتسافري امتي بقا ان شاء الله ديمه و هي بتجر  
الشنط ديمه : هروح دلوقتي العياده علشان هنروح  
من هناك غ المطار لان الطياره هتطلع الفجر مامتها  
بعدم اهتمام : طيب مع السلامه ، خلي بالك من  
نفسك ديمه : مع

السلامه \_\_\_\_\_ ف  
العياده كمال: جاهزين ي شباب مالك : جدا ادم :

تمام ي دكتور كارما : ايوه بس لسه ديمه كمال :  
هي لسه معرفاتي انها ع وصول ، حطو انتو حاجتكم  
ف الشنطه و هي زمانها جايه الكل راح ناحيه  
العربيه و بدأ كل واحد يحط شنطته ف  
مكانها.. وبعدها جت ديمه ديمه : انا اسفه ي  
جماعه ، الطريق كان زحمه جدا مالك : متأخره و  
بتتجججي كمان ديمه : مش هرد عليك ادم :  
ممکن نخلص علشان مش عندنا وقت الطياره ع  
وصول كمال : يلا بينا ، توكلنا ع الله ف  
المطار خلصو الورق و الاجراءات و دخلو  
الطياره كارما بتوتر : مكنش فيه اي حاجه ثانيه  
نروح بيها غير ف الطياره ي جماعه ادم : ايه ي  
كارما انت كمان هنروح المانيا ع جمل يعني كارما :  
لا ده احنا احلوينا بقا و بقينا بنقلس كمان ادم  
بضحك : لا ده انا احلويت خالص و أعجبك كارما :  
طب اقعد ي لطيف ، دي شكلها هتبقي رحله  
عسل بعد فتره ابتدت الطياره تطلع كارما : اشهد  
ان لا اله الا الله ادم بضحك : اهدي ي بنتي مفيش  
حاجه ، محدش هيموتك كارما و هي ماسكه ف



الكرسي زي الأطفال: اسكت انت مش فاهم  
حاجه ادم: طيب اهدي ، خدي نفس براحه و طلعي  
براحه و غمضي عينك و متفكريش ف اي  
حاجه كارما عملت زي ما قال ادم بيحبس  
الضحك : طيب خدي نفس لغايت ما تنفخي  
خدودك و احبسي شويه و غمضي عينك جامد و  
صفي ذهنك عملت كارما زي ما قال منغير تفكير  
و كان شكلها مضحك ، و قعد ادم يضحك  
عليها فتحت كارما عنيتها و لقت ادم صورها و هي  
شكلها كده كارما بغضب : ادممممم !! ادم بضحك  
: انا اسف والله بس شكلك كان يضحك  
موت كارما: ممكن متكترش قعدتك مع مالك لان  
انت شكلك اتعديت ادم : شكلها كده ، بس مش  
ملاحظه ان الطياره طاره و انت مش خايفه كارما :  
يعني انا مش واخده بالي تقوم انت تفكرني  
يعني ادم بضحك: اه تصدقي كارما بضحك : ممكن  
متشغلهاش تاني حفاظا ع سلامه و آمن  
المجتمع ادم: انا محتاج بس فرصه و انا  
هبهرك كارما : لا شكرا مش عاوزه قاطع كلامهم ده

صوت صوت من ورا ف الطيارة كارما: ايه الصوت  
ده هو ايه ال بيحصل كمال جه بسرعه : انتو  
كويسين ادم : ايوه الصوت اظن جاي من ورا كارما  
: هو ايه ال بيحصل ف الطيارة ده قاطع كلامهم ثاني  
صوت راجل سكران بيزعق ف بنت كانت معاه و  
بيتعدي عليها بالضرب قرب منهم آمن الطيارة و  
حاولو يهدو الشخص ده قربت منه مضيفه و  
حاولت تهديه علشان يسيب البنت بس زقها و قعها  
ف الارض لغايت ما راسها انفتحت كارما راحت  
بسرعه ناحيتها علشان تسعفها ادم بحده : كارما  
تعالى هنا كارما: دي بتنذف لازم اساعدها ادم :  
متعنديش ي كارما خليكي هنا وانا هاروح  
اشوفها كارما مشيت بسرعه ناحيه المضيفه و  
حاولت تسعفها بعد ما جابوها عده الاسعافات  
الاوليه و الأمن هذو الشخص ده و فضو  
الموقف ادم بقلق : كارما انت كويسه ، هو انا مش  
قولتلك متروحيش كارما : اهدي ي ادم محصلش  
حاجه انا كويسه اهو قدامك ادم بحده : ممكن  
متتهوريش بعد كده كارما : انت ال اهدي شويه ي

ادم مالك متعصب ليه كمال : خايف عليكي ي  
كارما انتي كان لازم تفكري شويه لان الشخص ده  
كان ممكن ياذيكي انتي كمان كارما : خلاص انا  
اسفه، اخر مره ، بس لنا بجد كان لازم  
اساعدها كمال : طيب يلا خلاص روحو بقا اقعدو  
ف اماكنكم علي ما نوصل بالسلام ادم و كارما :  
حاضر ي دكتور بعد فتره ~ كمال : يلا ي شباب  
حمد لله ع السلامه مالك: ياااه ي رجاله، هو ده  
حلم و لا علم ادم : لا حلم استغطي بقا كويس و  
انت نايم كمال : طب يلا انت و هو لسه قدمنا  
مشوار طويل و حاجات نعملها كتير ... لسه قدمنا  
رحله ....









كمال : حمد لله ع السلامه ي شباب الكل: الله  
يسلمك ي دكتور كمال : ده المكان ال هنقضي  
فيه الايام ال هنقعدها هنا ف الدور التالت في اوضه  
البنات و ف الدور الثاني بتاعه الشباب ورا ف اخر  
الممر ده اوضتي و قدام خالص المطبخ و اوضه  
التخزين ، كل اوضه فيها حمام خاص ، الاكل هنا انتو  
ال بتعملوه .. و في عمال بيجو كل يوم الصبح لو  
عزتم تسالو عن أي حاجه .. و كل واحد فيكم معاه  
نسخه من الورق المهم زي عنوان المكان ،  
السوبرماركت و كل الحاجات دي ، كده كل حاجه  
واضحه ادم : تمام كل واضح ي دكتور كمال : طيب  
يلا اتفضلو ارتاحو انهارد من السفر و اشوفكم بكرة  
بقا الكل : تمام، تصبح ع خير ي دكتور كمال و هو



بيتاوب: وانتو من اهل الخير دخل مل واحد اوضته  
علشان يرتاح من تعب

السفر \_\_\_\_\_ ثاني

يوم كمال : اظن ان الاكل ال احنا جبناه مش  
هيكفي و مش هنعرف نعمل بيه غدا ، ف مين بقا  
الحلو ال هيتطوع و يروح السوبرماركت ديمه: انا ..  
انا .. انا عاوزه اروح ي دكتور مالك : لا .. انا طبعا انا  
ال هاروح مش انا ال راجل هنا ولا ايه ديمه : يعني  
ايه يعني .. انا ال هاروح كمال : اخرصو انتو ال  
اتنين، ممكن تتصرفو زي البني ادمين شويه و  
تبطلو حركات الأطفال دي ، و بعدين متوجعوش  
دماغي ، يلا بالسلامه روحو انتو الاتنين كارما :  
احسن حاجه قولتها من ساعه ما جينا والله ي  
دكتور ادم: ياه ع الساعه ال الواحد هيرتحها منغير  
صداع كمال : طب يلا كل واحد يشوف هو هيعمل  
ايه \_\_\_\_\_ ف

الطريق مالك : ديما مغلسته عليا كده ، حتي  
السوبرماركت مش مهنياي اروحه و رشقه بوزك  
فيه ديمه : انت ال حاشر نفسك ف كل حاجه انا ال

قلت الاول مالك : طب اتنيلي ي اختي ادخلي  
.. ديمه : متزوقش وبعد فتره من ألف و الف و  
كميه ال حاجات ال ديمه جابتها مالك : مش كده  
كفايه ولا ايه ديمه : انا بقول كده يلا نحاسب بقا ..  
اه و لا استني شويه لسه حاجه مهمه جدا مالك :  
اووف اخلص هي ايه دي ديمه : قهوه نسيت  
اشتري قهوه مالك : طب يلا نجيبها و نخلص  
علشان انا معنتش قادر ديمه : مش انت الراجل و  
كنت هتيجي تجيب لوحذك كمان. مالك بزهدق :  
خلصي

بعد شويه تدوير ديمه : انا مش لاقيه القهوه  
.. مالك: طب يلا مش مهم نبقي نيجي مره  
تانيه ديمه بترجي : طيب ممكن نسأل حد عليها  
بالله عليك .. بالله مالك بزهدق : طب يلا مشي  
قدامي مالك راح للعامل ال كان واقف جمبه  
بالضبط و قال بالانجليزي: لو سمحت ممكن تعرفنا

فين مكان القهوه رد عليه العامل بالعربي و قال :  
ف الرف الاخير ع الشمال هناك مالك بصدمة: انتي  
بتتكلم عربي الشخص بابتسامه: مصري  
كمان مالك : اهلا بيك الشخص : شكلك جديد هنا  
.. صح مالك : اه لسه واصلين امبارح الشخص  
بابتسامه و عفويه : شهر غسل ؟ مالك بضحك : لا  
ي راجل فال الله ولا فالك ، احنا مش متجوزين احنا  
جايين هنا شغل اسبوع كده و هنرجع ثاني ديمه :  
انت تطول الشخص : انا بهدي النفوس بس  
والله مالك : انت عايش هنا من زمان  
صح الشخص : ياه من زمان ، بقالي يجي ١٠  
سنين مالك : اتشرفنا ي... الشخص : مينا مالك :  
اتشرفنا ي مينا مينا : انا اكرر.. مع السلامه مالك :  
مع السلامه بره مالك : فين ورقه العنوان ديمه :  
ايه عنوان ايه مالك : لا متهزريش ديمه : انت  
مجبتيش عنوان البيت معاك مالك : انا قولت مش  
لازم انتي هتجيبني معاكي ديمه : طب هنعمل ايه  
دلوقتي مالك: طب يلا توكلنا ع الله ديمه : هنعمل  
ايه مالك : امشي بس ورايا و انا هرجعك ديمه :

اما نشوف اخرتها مالك : امشي بس وانت ساكته  
علشان اعرف اركز ديمه : طب يلاي فالج بعد اكر  
من ساعه ديمه و هي بتنهج و قاعدت ع الرصيف :  
انا مش قادره امشي تاني .. انا رجلي مش حاسه بيها  
ي مالك مالك وهو بيقعد : طب نعمل ايه دلوقتي  
انا مش عارف العنوان و دكتور كمال مش بيرد  
عليا ديمه : انا خايفه .. احنا اتاخرنا اوي و انا  
معنتش قادره اتحرك تاني مالك : طب اهدي  
متخافيش ان شاء الله هنرجع ما اكيد مش  
هنفضل هنا طول العمر عند كمال ~ كان كمال و  
ادم ف المكتب بمراجعة شويه أوراق و حاجات و  
كانو مشغولين كارما خبطت الباب و دخلت كارما :  
دكتور .. مالك و ديمه لسه مرجعوش هما مش كده  
اتاخرو شويه كما و هو بيقلع النضاره : ايه .. هما  
لسه مرجعوش كارما : لا لسع مرجعوش .. ادم : ان  
كنت متأكد انهم مستحيل يعدو كده يوك منغير  
حركه غبيه من حركاتهم كارما : هما ممكن يكونو  
تاهو ف الطريق و لا حاجه

؟؟\_\_\_\_\_♡

-----

———— Part Break ————

عند ديمه و مالك بدأت الحته تمطر تلج و هوا  
شديد ديمه : هو ده ال كان ناقص ي بي مالك :  
كده كملت .. و فجأه التليفون رن ديمه بلهفه : رد  
بسرعه ي مالك .. اكيد كارما او حد مالك رد ع  
التليفون مالك : الو ي دكتور .. كمال : انت فين ي  
مالك و اتاخرت كده ليه مالك : احنا كنا ف  
السوبرماركت و بعدين مكناش جايبين معانا الورقه  
ال فيها العنوان بتاع البيت معانا و قعدنا نلف و

مش عارفين نرجع كمال : طيب اهدي و ابعتلي  
مكانكم بالضبط و انا جاي مالك : تمام ي  
دكتور بعد شويه وصل دكتور كمال عند مالك و  
ديمه كمال : اركبوا بسرعه مالك : الحمد لله انك  
وصلت ي دكتور ديمه و هي بترتعش : انا هموت  
من البرد و بقالنا ساعه بنلف لغايت ما رحلي  
ورمت كمال : طب يلا ف البيت كارما : اتاخرتو ليه  
ي جماعه ديمه : الاستاذ نسي الورقه ال فيها  
العنوان مالك : و ليه متقوليش ان انت ال نسيتي  
ي فالحه ادم : خلاص انتو الاتنين اغيبا ة  
نسيتمو كمال : يلا ادخلو كل واحد يروح اوضته يغير  
علشان ميتعشب ، و علشان هنروح المؤتمر ادم: هو  
احنا هنيجي معاك ي دكتور كمال : هتيجو معايا  
تشوفو الدنيا و الناس ال هناك و تخرجو  
شويه كارما : تمام ي

دكتور \_\_\_\_\_ ف  
المؤتمر ادم و كارما و ديمه و مالك كانو قاعدين مع  
دكاتره شباب و بيتكلموا معاهم و يتناقشو ف  
مواضيع و كذا و بعد فتره خلصو ومشيو ادم :

خلينا نروح كافيه او حاجه قرييه مالك : يلا ديمه :  
عارف الطريق ولا هتسوحنا تاني كارما : ي شيخه  
اتنيلي ع اساس ان انت ال رجعتيه ما انتي بتغرق  
ف شبر مايه انت كمان ادم: طب يلا ي جماعه و  
نبيقي تشوف الحوار ده بعدين ف الكافيه \*\* مالك  
: حد هيشرب قهوه ادم : انا ديمه: وانا كمان كارما  
: انا برضو مالك : خلاص حدي يجيب ليا معاه ادم :  
ي اخي بقا مش هتبطل حركاتك دي ، يلا هز طولك  
و قوم هات قهوه ديمه : جايه لنفسك كده كل  
مره مالك : طب يلا ي اختي اتنيلي تعالي معايا  
اكيد مش هشيل الليله لوحدي يدوبك ديمه و  
مالك مشيو و جت واحده بتتدلج و تتمايل لغايت  
الترابيزه و قالت ل ادم بالانجليزي البنت بدلع : انا  
معجبه ببيك اوي ، مش عاوز تخرج الليله دي معايا  
نسهر ادم بحده : لا .. و ممكن تبعدي شويه البنت  
بدلع : هنسهر سوا سهره عمرك ما هتنساها كارما  
بحده و عصبيه : هو مش قالك مره لا ولا انتي مش  
بتفهمني البنت بعصبيه : وانتي مالك انا بكلمه  
هو كارما بعصبيه و هي برزقها بعيد : وانا بكلمك



انتي يلا هو قالك ابعدني مش عاوز يجي  
معاكي البنت بعصبيه و هي بتمسك كارما : هو  
عاوز يجي معايا .. بس انت السبب ابعدني انت قام  
ادم و بعد البنت دي عن كارما و زقها بعيد و خد  
كارما قاعده ع الترايبزه ادم : اهدي ي كارما، لازم  
تتعاملني بهدوء مع الأشكال دي كارما : أشكال ايه  
وزفت ايه ع المسا انت شايف شكلها عامل ازاي و  
جايه بتقولك ايه ادم : طب اهدي كارما بعصبيه :  
ما ان هاديه اهو هو انا بشد ف شعري ولا انت كنت  
عاوز تروح معاها البت ام فستان شبه مفرش  
السفره دي .. ادم : انت بتقولي ايه انت كمان ، دي  
لو اخر واحده ع الكوكب مش هاروح معاها ، ويلا  
اقعدي بقا بدل ما يطردونا من هنا كارما : قال  
يطردونا قال ، يطردوها هي أشكال زباله كتهم  
القرف كلهم ادم بضحك : خلاص كده هديتي كارما  
: بتضحك ع ايه انت دلوقتي ، يعني انت فرحان انها  
بتعاكسك وانا قاعده ادم : لا طبعا ، بس يعني اول  
مره اشوفك متعصبه كده كارما : طب اسكت بقا  
دلوقتي علشان متعصبش اكثر ديمه بعدم فهم :

هو ايه ال حصل ي جماعه ، مان فيه خناقه ولا  
ايه ادم : لا مفيش مالك : انتو مالكو ي جدعان ،  
حد اتعرضلكم و لا ايه قولولي بس وانا امسكه  
انفخه ادم : لا كتر خير ، متتعيش نفسك ديمه :  
طب كفي نفسك بقا واقعد علشان انا مش عاوزه  
اقولك حاجه كده ولا كده مالك : لا ي شيخه  
قولي كارما بعصبيه : لو مسكتوش انتو الاتنين  
هروح راميه القهوه دي ف وشكم مالك ل ادم : انت  
عملت ايه، اكيد عصبتها ادم: واللّه ي ابني ما  
عملت حاجه كارما : خلصو بسرعه علشان انا عاوزه  
اروح مم هنا ديمه باستغراب : حاضر ، بس انت  
كويسه ي كارما كارما : مالكم ي جماعه ف ايه هو  
انا مجنونه بشد ف شعري قدامكم ولا ايه  
؟؟؟ مالك بضحك : حاشا لله ، ادم هو ال  
مجنون ادم بضحك : ايوه ايوه ، انا المجنون كارما :  
انت فرحان كده ليه ده بيقول عليك مجنون ديمه :  
لا حول ولا قوه الا بالله انتو كلكو كويسين انهاده ولا  
المانيا جننتكم ولل ايه ي جماعه!!

——— Part Break ———

بعد فتره رجع دكتور كمال و الكل رجع البيت  
بعدها ثاني يوم \*\* كمال: لسه قدامنا هنا بالضبط  
تلت إيام ، براحتكم بقا قضوها زي ما انتو عاوزين ،

تخرجو .. تتفسحو .. تعملو ال انتو عايزينه مالك :  
ي سلام ع الجمدان ديمه : هو حضرتك رايح مكان  
ولا ايه كمال : هروح المستشفى حد من الدكاتره  
قالي انه عاوز يفرجني ع المستشفى و انا هروح  
انهارده اقضي اليوم هناك ، تمام.. الكل : تمام ي  
دكتور بعد فتره مالك : ها ي جماعه عاوزين  
تعملوا ايه ادم : اكيد مش هنعرف نخرج ف الجو  
ده ديمه : خلاص انا عندي فكره، خلونا نسمع فيلم  
و ناكل بيتزا كارما : انا موافقه ادم : خلاص نطلب  
اكل مالك : هو انت عارف هنا مطاعم حلال  
لسه ادم : لل ديمه : انا جبت لحمه حلال ، فيما  
معناه ان فيه اتنين شطار كده مش بيعملو حاجه  
ف حياتهم هيقومو يعملو لنا اكل كارما : مش  
عارفه بس حساها بتلقح ادم : حاسس كده انا  
كمان مالك: عموما هي مش بتلقح و احنا فعلا  
نفصدكم بالكلام ده ف يلاي حلو انت و هي ورونا  
عرض اكتافكم و المطبخ انتو عارفين هو فين  
صح ف المطبخ كارما : ف الاول احنا محتاجين ايه  
انا هطلعلك المكونات وانت حط ف المضرب ادم :

تمام طلعت كارما كل حاجه و بعدين ادم شغل  
المضرب قام كل الدقيق طار عليهم كارما : اه  
نسيت احط مايه .. ي غباي ادم و هو مليون دقيق :  
لا والله كارما ببراءه : انا اسفه بس يعني هما شويه  
دقيق مش حاجه ... صح ادم : لا ولا يهكم كملي ي  
شيف كارما : خلاص بقا هنحط دقيق و بعدين مايه  
و نشغله تاني يعد ساعات و ساعات من العمل  
الشاق اخيرا خلصو منغير خساير ف الأرواح مالك :  
ايه ي جدعان ده انا موت من الجوع ادم : ممكن  
تحمد ربنا ان احنا لسه عايشين لحد دلوقتي ديمه :  
انتو ليه محسسنني انتو بتعملو قبله دي صنيه  
بيتزا كارما : الموضوع أصعب مما يبدو  
بكتير مالك: طب يلا يلا انا جعان بسرعه ديمه :  
امم .. طعمها حلو والله، انتو يطلع منكم بجد

ادم : اقل حاجه والله مالك: لا متتغرش ف نفسك  
اوي كده ، هي مش واو يعني كارما : خلاص

متاكولش مالك : لا لا خلاص دي جميله احلي بيتزا  
كلاها ف حياتي ادم : ايوه كدا بعد فتره كارما : ف  
مفاجأه بقا هتبسطكم ديمه : استري رب كارما :  
المطبخ مستنيكم جوه مالك : نعمم ، انتو يعني  
خليتونا تاكل علشان تحطونا قدام الامر الواقع ادم  
بيرود : ايوه ديمه : ده ظلم وانا برفض الظلم كارما:  
حيث كده ارواح انا بقا اطلع انام بعد التعب ده  
كله ادم: معاكي حق والله يلاي جماعه تصبحو ع  
خير بعد فتره كان مالك و ديمه بينضفو كل ال  
كارما و ادم عملوه ساعتها رجع كمال البيت كمال  
باستغراب: انتو بتعملو ايه و عاملين ف نفسكم  
كده ليه مالك كان ماسك المكنسة و ديمه كانت  
لابسه مريله المطبخ و بتغسل المواعين مالك :  
زي ما حضرتك شايف ، بنضف ال الاستاذ ادم و  
الاستاذه كارما عملوه ديمه : و ربنا ع الظالم و  
المفتري كمال بضحك : طب يلا بقا اسيبكم معاكم  
ربنا ، هاروح انام انا بقا ديمه : خلاص معتش في ف  
الزمن ده لا حبيب ولا قريب مالك وهو بيغني :  
كتاب حياتي ي عين ديمه : ما شوفت زيه

كتااب مالك : الفرخ فيه سطرين .. ديمه : والباقي

كلو عذاااااب كمال : لا ربنا يعينكم بجد ،

سلام -----

بعد ما مرت الايام بسرعه و -----

رجعو مصر الوطن اخيرا مالك : ياااه ، ريحه الوطن

ي جماعه حاجه تانيه ديمه : يااه مصر

وحشتني كارما : ماشاء الله ع الوطنيه و

الإخلاص ادم : ال يشوفهم دلوقتي ما يشوفهمش

واحنا راجعين من هناك و هما مش راضيين يدخلو

الطياره و عاوزين يقعدو اكتر كمال : طب يلا ي

شباب علشان عندنا شكل كتير الاسبوع ده علشان

كل المواعيد ال اجلناها الكل : تمام ي دكتور و

مرت ايام و ايام روتينيه معتاده ع أبطالنا من الشغل

للبيت و من البيت للشغل بين خناق مالك و ديمه

و الدوشه المعتاده ال بيعملوها ف الشغل كمال :

انتو هتسافرو انهارده ي ادم ادم : ايوه ي دكتور ان

شاء الله كمال : علي خير ان شاء الله مالك : انتو

اكيد كلكم جايين صح كمال : بإذن الله هشوف

كده و هنيجي ان شاء الله ادم: مع السلامه ي

دكتور كمال : مع السلامه ، اول ما توصلي

طمنوني مالك : ان شاء

الله \_\_\_\_\_ ♡

\_\_\_\_\_ تتوقعو مسافرين فين

؟؟ لو عجبتمكم الروايه لغايت هنا متنسوش

التصويت و مشاركه الروايه



———— Part Break ————

بعد يومين كمال : جاهزين كارما و ديمه :  
جاهزين ي دكتور كمال : طب يلا علشان نلحق  
الفرح بعد فتره وصل كمال هو و ديمه و كارما ل  
الصعيد المحافظه بتاعه مالك و ادم علشان يحضرو  
فرح اخت مالك و اخو ادم ال هما بالمناسبه ولاد  
عم ديمه : يااه اخيرا وصلنا كارما : انا مش قادره  
الطريق كان طويل قويييي ادم : حمد لله ع  
السلامه كمال : الله يسلمك والد ادم : نورت  
الصعيد كلياتها ي دكتور كمال :الصعيد منوره  
بأهلها ، هنضطر احنا بقا نمشي نروح دلوقتي و  
هنيجي ان شاء الله ع الفرح والد ادم : عيب ال انت

بتقوله ده والله ي دكتور ده احنا مجهزين لكم  
الارض ف البيت كمال : كده كثير والله ملوش  
لزوم والد ادم : لا والله ابدا عيب ال انت بتقوله ده ،  
يلا ي واد انت و هو هاتو الشنط دي و اتفضلو  
معاي ف بيت ادم مامت ادم سلمت ع كارما و  
ديمه و قالت : اهلا بيكم نورتو الدنيا كلها كارما :  
بنور حضرتك مامت ادم : انت كارما صح كارما  
بابتسامه : ايوه ي طنط مامت ادم : اهلا بيكي ي  
بنتي اتفضلو ارتاحو بقا من السفر كارما : عن اذنك  
ي طنط بليل نزلت ديمه و كارما علشان يتعرفو ع  
بقيه العيله و يقعدو مع ستات العيله مامت ادم :  
اعرفكم .. دي كارما الدكتوراه ال مع ادم و مالك ف  
الشغل ، و دي ديمه الدكتوراه الثانيه البنات : اهلا  
بيكو مامت ادم : دي بقا لميا اخت ادم دي عُلا  
العروسة اخت مالك و دي بقا علياء بنت عمتهم و  
آخر العنقود رائد الولد الصغير ال كان بره كارما و  
ديمه بابتسامه : اتشرفت بيكم لميا : اهلا ي  
جماعه، ادم و مالك كانو بيكلمونا عنكم كثير و عن  
دكتور كمال ديمه : بيتكلموا علينا بالخير اكيده علا

بضحك : طبعا طبعا ، كل خير كارما: اشك ف دي  
الصراحه علياء بقرف : وانت بقا كارما كارما بصت  
باستغراب علياء : طب هستاذن انا بقا علشان  
ارتاح لميا: دي ي جماعه علياء محدش ياخذ ع  
كلامها هي بس مش بتتعود ع الناس بسرعه

كارما : حصل خير علا : خلاص سيبيكم ، ها  
عرفونا عنكم اكثر لميا : ايه ي بنتي الدخلة  
دي كارما بضحك : بسم الله الرحمن الرحيم ، اولاً  
اسمي كارما عندي ٢٥ سنه و بشتغل دكتوراه علا  
بضحك : سي في مشرف الصراحه.. ديمه بهزار: بس  
انت متأكده من الخطوه دي بجد وواثقك انك عاوزه  
تتجوزي .. فكري تاني ي بنتي لميا بضحك : خليكي  
محضر خير كارما : لا دي محضر بس مش خير  
ابدا علا : واضح اوي الصراحه ديمه : ع العموم الف  
مبروك ي ستي لميا : مش حاساها من القلب  
الصراحه ديمه : والله خوف عليها مش اكثر لميا :

دي طول دي هتتجوز اخويا علا : انت ليه  
محسساني اني هتجوز احمد عربي يخي كارما ؛  
مثلا لميا : انت طولي ي بت ده واد حليوه طول  
بعرض كل البنات هتموت عليه ديمه : هتسكوتي ع  
الكلام ده علا : ي بنتي حليوه ايه ، ده انا اتجوزته  
جبر خواطر علشان صعب عليا مش اقدر بدل ما هو  
داخل ع الثلاثين كده و مفيش وحده عبرته كارما :  
جماعه انتو متأكدين ان انتو هتتجوزو عادي كده  
مش تخليص حق و لا تار و لا حاجه ديمه : نفس  
سؤالي علا بضحك: هو باين اوي كده لميا : اوي  
الصراحه كارما: لا بجد الف مبروك ي علا علا : الله  
يبارك فيك ، عقبال عندك كده و نفرح فيكي ديمه  
: ياه هو انا هاعيش للحظه ال اشوف فيها كارما  
بتجوزي رجاله لميا : حاسه جدتها بتتكلم كارما :  
حاسه بنبره تريقه ف صوتك علا : لا ي راجل تريقه  
ايه .. مامت مالك و هي بتنادي : يلا ي بناات  
علشان نجهز العروسه للحنه لميا: يلا ي عروسه  
علشان نجهزك كارما : سلميلي نفسك بس و  
ملكيش دعوه ديمه : استري رب علا : يلا ي بينا

ي رجاله كارما بضحك : انت راحه تحاربي ف  
الاوضه مامت مالك : اهلا بيكم ي بنات ديمه و  
كارما : اعلا بحضرتك ي طنط علا : انا عاوزاكم  
تخلوني بلمع لمع كده ي بنات ديمه: لا ارتاحي انت  
و ملكيش دعوه احنا هنظبطك لميا : استعنا ع  
الشقا بالله علا : علي بركه الله ، انا جاهزه اهو بعد  
فتره جهزوا البنات العروسه و نزلوها تحت علشان  
الحفله بتاعه الحنا تبدا لميا : الحنه هنا بنات بس  
ف لو عاوزين تشيلو الحجاب عادي مفيش شباب  
هتدخل هنا ديمه : الصراحه حلوه اوي حوار ان  
البنات لوحدهم و الشباب لوحدهم لميا: الصراحه  
كده بنقدر ناخذ راحتنا اكثر و نكون ع راحتنا و نلبس  
ال احنا عاوزينه بعد الاحتفال و الرقص و السهر  
لحد نص الليل كارما : انا الصراحه متبسطش كده  
من زما ان اوي ديمه : وانا كمان والله ، ده احنا  
خربناها لميا : اي خدمه ، تعالو بس واحنا  
هنسهركم كارما : خلاص انا هكمل هنا ، مش  
مروحه ديمه بضحك : حصل علا : خلاص بقا انتو  
بقيتو من العيله علياء بقرف: قال من العيله

قال لميا : بتقولي حاجه ي عليا علياء : لا مش  
بقول ، انا طالعه اوضتي انام كارما ف نفسها: مالها  
دي

——— Part Break ———

تاني يوم ف الفرخ ديمه : يلا ي كارما انت بقالك  
ساعه بتلبيسي كارما : الفستان بتاعي مش عارفه  
من اي بس لقيته مقطوع انزلي انت و انا هاخلص و  
جايه ، الفرخ تحت مش بعيد يعني مش هتوه لميا  
: طب خلاص خلصي براحتك و تعالي كلهم خرجو و  
الفرخ بدأ كانت لسه كارما بتتظبط حاجات ف  
الافوضه ف الفرخ مامت ادم : امال كارما فين لميا :  
فستانها اتقطع ف بتتظبطه او هتغيره و جايه علياء  
بسخرية: فستانها اتقطع .. لميا : عليا عيب كده و  
حسني طريقتك شويه معاها علياء : هو انا عملت  
حاجه لميا : انا بقولك بس بعد شويه من  
الفرخ ادم : امال كارما اتاخرت ليه كده لميا هبعت  
رائد يشوفها اتاخرت ليه ادم : تمام قبل شويه عند  
كارما كانت بتعمل الفستان بعد ما خلصت و نازله  
فجأه وقعت من ع السلم ال كان مزحلق و  
معرفتش تمسك ف اي حاجه و دمغها  
انفتحت كارما بالم : ديمهه .. ااه رائد: دخل



علشان يشوف كارما لقاه مرميه غ الارض و في دم  
حوليه و مغرق الدنيا خرج بسرعه جري ع ادم رائد  
: ادم .. ادم .. ادم : ايه ي رائد ال حصل ، مالك كده  
فيه ايه رائد بتوتر : ابله كارما.. ادم : انطق ي رائد  
اخلص قول فيه ايه رائد : واقعه ف الارض و الارض  
غرقانه دم ادم بصدمه : ابيه و جري ع جوه و وراه  
رائد ادم جري ع كارما : كارما .. ردي عليا انت فايقه  
.. ادم شالها و حطها ف العربيه : رائد متقولش لحد  
اي حاجه لغايت ما اجي تمام رائد : حاضر راح ادم  
ب كارما المستشفى بسرعه و هو بيسابق  
الوقت ف المستشفى دخلة كارما اوضه العمليات  
بسرعه و قعد ادم قدام الاوضه ف الفرع بعد فتره  
. ديمه باستغراب : هي كارما ده كلو بتعمل ايه ده  
الفرع هيخلص لميا : اكيد ده كلو مش بتظبط  
الفيستان عليا : عادي الحاجات دي بتاخذ  
وقت مامت ادم : هدخل اشوفها كده عليا بتوتر : لا  
.. اقصد يعني هي شويه و جايه لميا : شويه ايه  
دي بقالها اكر من ساعتين.. انا هادخل  
اشوفها دخلت لميا البيت ملقتش ايه حاجه بس

لقت دم مغرق الدنيا ع السلم صرخت لميا و  
وقعت ع الارض العيله كلها اتلمت ع صوتها مامت  
ادم : ايه ي لميا و بعدين بصت ع الدم و  
انصدمت ديمه بخوف : يالهوي ايه ال حصل ده ، و  
فين كارما مالك : اهدوي جماعه انا هتصل بادم  
اكيد هو يعرف هي فين لانه اختفي من فتره هو  
كمان رائد بتوتر : ا ادم مع ابله كارما ف  
المستشفي والد ادم : ايه ال حصل ي رائد  
انطق رائد : انا دخلت ساعت ما كنت بنادي ابله  
كارما لقيتها مرميه ع الارض سايحه ف دمها رحت  
بسرعه قولت ل ادم و هو خدها بالعريه ع  
المستشفي و قبل ما يمشي قالي متعرفش حد الا  
اما اجي مالك : طب خليكم انتو هنا انا رايح اشوفه  
اكيد ف المستشفى ال هنا دي كمال: يلا انا معايا  
العريه وراحو بسرعه المستشفى كان ادم قاعد  
قدام العمليات و حاطط راسه بين ايده حاسس  
بالذنب ان كل ده حصل .. كمال : ايه ي ادم كارما  
بقت عامله ايه ادم بتعب : جوه ف العمليات لسه  
محدث خرج مالك وهو بيطببط عليه : ان شاء

الله خير و هتخرج بالسلامه كمال : ياذن الله ، بعد  
فتره خرج الدكتور و جري عليه ادم بسرعه ادم : ها  
ي دكتور ايه ال حصل طمني هي بخير الدكتور  
:الحمد لله عدت باعجوبه انت جبتها الحمد لله ف  
الوقت المناسب غير كده كان زمنها ماتت لا قدر الله  
بسبب كميّه الدم ال نزفته ، هي دلوقتي بخير، بس  
منعرفش هتفوق ع امتي .. بس خير ان شاء  
الله كمال : تمام شكرا مالك : الحمد لله انها عدت  
خير ان شاء الله تفوق بسرعه جت بعدها العيله  
كلها ديمه بقلق : ايه ال حصل ي ادم ، كارما  
كويسه ادم كان شارد و تعبان ، رد عليها مالك و  
قال : هي الحمد لله بخير بس مش عارفين هتفوق  
امتي بس الدكتور طمنا عليها لميا : طب الحمد لله  
انها دلوقتي كويسه ، ربنا يعديها ع خير و تفوق  
بالسلامه الدكتور : ممكن شخص واحد بالكثير هو  
ال يفضلو معاها و ده طبعا لسلامتها ادم : انا  
هفضل معاها رحو انتو ارتاحو مامت ادم : و انت  
كمان ي حبيبي لازم ترتاح .. ادم : خلاص ي امي  
روحو انتو و انا هفضل هنا مامت ادم: طب خلي

بالك من نفسك ي حبيبي ادم : حاضري امي بعد  
ما الكل مشي دخل ادم ل كارما كانت كارما لسه  
ف الغيبوبه ادم : انا السبب ف كل ده لو انا  
مجبتكيش مكنش كل ده حصل ، بس اوعدك و  
الله انا هاعرف مين ال عمل كده و اوعدك مش  
هخليه يقلت من تحت ايدي فوق علشاني .. علشان  
بحبك!! "كيف أخفي الذي قد بات يسكُونُني .. و  
العينُ مبديةٌ و القلبُ معترِفٌ " ...

"واللّٰهَ اِنَّ الشَّوْقَ فَاَقَّ تَحْمُلِي ... ي شَوْقُ رَفَقاً  
بالْفُؤَادِ الا تَعِي ... حاولْتُ اَنْ اُخْفِيَ هَوَاكَ و كُلِّمَا ...  
اُخْفِيْتُهُ بِالْقَلْبِ فَاصَّتْ اذْمُوعِي ... " فضل ادم مع  
كارما طول الليل بيتأمل فيها حاسس بإحساس اول  
مره يحسه ..حاسس ان روحه بتنسحب منه مشتاق  
للحظه ا هتفوق فيها و تقوله ي ادم تناديه تاني  
باسمه .. مستني اللحظه ال هيروح فيها و يقولها  
انه بيحبها ... بيحبها؟؟ هل هو فعلا بيحبها .. هل هو  
قد الكلمه دي... هل هيقدر يحميها و يقدمها الحب ،  
هل هي اصلا بتحبه هل هي هترضي تخوض  
المرحله دي رغم كل الظروف ال مرت بيها اسأله  
كتير بتدو ف عقله هي بس ال معاها الاجابه بتاعتها  
.. هي بس !!. بعد فتره جه دكتور جمال و ديمه و

لميا و مالك كمال : روح انت بقا ي ادم ارتاح شويه  
انت هنا من امبارح ادم بتعب : انا كويس ي جماعه  
، انا قاعد معاها هنا لميا : ي حبيبي انا عارفه انك  
خايف عليها بس كلنا معاها متخافش ادم : انا قلت  
كلمه.. انا قاعد و خلصت مالك حط ايده ع كتف ادم  
و قال : طب قوم ريح ع السرير ال ف الاوضه ده  
علشان تقدر تقعد معاها و لميا و ديمه هنا معاها  
اهو اي حاجه هيصحوك كمال : اسمع كلام مالك  
هو بيتكلم صح ادم باستسلام : حاضر قعد مالك و  
كمال شويه و رجعو البيت تاني و لميا فضلت هي و  
ديمه ال زعلانه و عماله تعيط لميا و حي بتحضنها  
: اهدي ي قلبي والله هي ان شاء الله هتفوق و  
هتبقني زي الفل ديمه بدموع : ي رب ، انت مش  
عارفه كارما دي بالنسبالي ايه كارما دي اكر من  
اختي هي تعرف عني كل حاجه تقريبا .. انا  
محتاجاها جمبي بجد لميا : ده اكيد اختباري  
حبيبتي و هي شويه و هتفوق بإذن الله .. صدقيني  
قومي بس كده غسلي وشك و يلا علشان نصلي  
ركعتين و ان شاء الله هتفوق ديمه بحزن

حاضر شويه و بدأت كارما تحرك صوابعها و تفتح  
عنيها براحه و تبص حواليتها كارما بال و صوت  
خافت : ااه.. راسي ادم قام بسرعه اول ما سمع  
صوتها ادم بلهفه : كارما انت كويسه .. انتي  
فوقتي كارما بال : راسي بتوجعني اوييي .. مش  
قادره ادم نده الدكتور و جه بسرعه الدكتور: ده  
طبيعي متقلقش و ان شاء الله هتبقى كويسه ادم  
قرب منها و قال : حمد لله ع السلامه كارما بتعب  
و ألم: الله يسلمك.. هو ايه ال حصل ي ادم ادم :  
انت مش فاكهه اي حاجه كارما و هي بتغمض  
عنيها و بتتالم: لا مش فاكهه كل الحاجات.. بس  
تلاطيش أحداث بتيجي ف دماغي نره واحده ادم :  
طيب اهدي و متفكريش ف اي حاجه .. انا جمبك  
اهو جت ديمه و لميا ديمه بلهفه : كارما .. اخيرا  
فوقتي ، انا كنت هموت لو حصلك اي حاجه  
.. كارما بهدوء و ابتسامه : بعد الشر عليك ي  
قلبي انا زي الفل اهو لميا بابتسامه : انا قولتلها  
انك قويه و هتفوقي بسرعه و ترجعي ثاني ابتسمت  
كارما بهدوء بعدها جت مامت مالك و ادم و جت

علا كمان و قعدو شويه وبعدين جت علياء كارما  
اول ما شافت علياء حست بدوخه و حست ان  
دماغها بتنفجر و مش قادره تتحمل الألم مسكت  
دماغها و قالت : ادم الحقني راسي هتنفجر ااه ادم  
راح عليها بسرعه و نادي الدكتور الدكتور : دي اكيد  
مضاعفات بسبب يعني الخبطه و كده .. انا ادتها  
مهدئ ه يخفف الألم شويه . علا : اهدي ي حبيبتني  
و متفكر يش كتير علشان مي جيش لك الم  
تاني كارما : مش عارفه حسيت مره واحده كده ان  
راسي هتنفجر و مش طايقه نفسي مامت ادم :  
الف سلامه عليكي ي حبيبتني ، ان شاء الله تقومي  
بالسلامه ع خير كارما : شكرا ي طنط ادم : دلوقتي  
بقيتي احسن ؟ كارما بابتسامه : اه الحمد لله بعد  
شويه مشي الكل ماعدا ديمه و لميا و ادم لميا :  
خلاص روح انت بقا ي ادم هي فاقت اهي و احنا  
هنقعد معاها ادم : انا قولت كلمه انتو بنات  
لوحدكم هتباتو ازاي هنا ف المستشفى ، انا هفضل  
و خلص الكلام لميا : ا انت شايفه ، مع السلامه ي  
كوكي هنجيلك بكرة بقا ديمه : سلام ي قلبي ، خلي



بالك من نفسك كارما بابتسامه : سلام بعد ما  
مشيو ادم : حاسه دلوقتي ان انتي احسن كارما :  
اه والله انا بخير دلوقتي ادم : فاضل شويه و  
المهدئ مفعوله يخلص هتحسي بالم شويه بس  
هيروح بسرعه ان شاء الله كارما بابتسامه : شكرا  
ي ادم ادم باستغراب : ع ايه كارما : ع وقوفك  
جمبي من امبارح و انك انت ال جبيني المستشفي  
انا مش عارفه منغيرك كان زماني فين دلوقتي ادم :  
متقوليش كده ، ربنا هو مسبب الاسباب هو ده  
قدرك يعني بيا او منغيري كنتي هتيجي هنا بس  
ربنا هو ال جعلني سبب بس مش اكرت كارما  
ابتسمت بهدوء : تصبح ع خير ، ارتاح بقا شويه ادم  
: وانت من اهل الخير ، وحاضري ستي هرتاح فجأه  
ف نص اليل كارما بهلوسه : ااااه ، حد يلحقني ..  
هموت ، ابعدني عني .. ابعدني عنيبني .....

———— Part Break ————

كان ادم معدي بالصدفه قدام اوضه كارما و  
سمعها ادم بعد ما دخل الاوضه : كارما .. كارما

فاقت مخضوضه و هي بترتعش ادم و هو بيطمنها  
: اهدي ي كارما اشربي مايه شربت كارما المايه و  
هديت شويه ادم : ف ايه ، انت كويسه  
دلوقتي كارما بدموع : انا عاوزه امشي من هنا ، انا  
خايفه تدم بيهديها : ايه ال حصل بس ي كارما  
احكي لي كارما بدموع : انا افكرت كل حاجه  
حصلت ادم بفضول : ها ايه ال حصل، مين ال  
عمل كده كارما بدأت تتنفس بسرعه و هي بتفتكر  
الأحداث ادم : اهدي و خدي نفس و لو مش قادره  
تحكي دلوقتي مش مهم كارما بصت ناحيه الحيطه  
بشرود و بدأت تحكي كل حاجه من غير ما حتي  
تبص لادم ف عينه ... فلاش باك \*\* كانت كارما  
بتضطبط الفستان و خلصت و نازله ع السلم سمعت  
صوت حركه جاي من تحت ، بصت حواليتها مكنش  
فيه اي حد موجود ف البيت نزلت كارما ع السلم و  
مخدتش بالها من ال كان محطوط ع السلم ..  
اتزحلق كارما و رجليها اتلوت حاولت تمسك ف ال  
حروف بتاعه السلم بس معرفتش و اتدحرجت ع  
السلم و خبطت ف حرف ترايبزه كانت موجوده و

بدأت تنزف ، بعدها شافت شخص معرفتش تركز  
ف ملامحه كانت ساعتها بتفقد الوعي تدريجي  
ندهت ع حد علشان يساعدها بس مفيش فايدة  
شافت الشخص ده و هو بيمسح السلم مكان  
الحاجه ال كان حاططها و قرب من كارما و قال  
حاجه هي مسمعتهاش كويس و سابها و مشي باك  
\*\* ادم بغيط : والله ما حسيبه ال عمل كده ، انت  
مش عارفه مين ا عمل كده كارما بتوتر : ل.. لا ..  
مش فاكرك ادم بشك : كارما انا عاوز اساعدك، لو  
عارفه مين الشخص ده بس قوليلي كارما : انا مش  
بوقع بينكم .. بس انا عارفه مين ال ممكن تعمل  
كده ، انا بس مش عاوزه اشك ف حد و اطلع ظلمته  
ف الاخر ادم : تعمل كده !! و مين دي بقا ؟؟ كارما:  
علياء ادم باستغراب : علياء !! كارما : انا مش  
متأكده انا بس احساس بيقول كده ، انا سمعت  
نفس صوتها ساعت ما وقعت بس انا مفهمتش  
هي قالت ايه ادم بتفكير : طب متقلقيش انا  
هتصرف كارما : لا ، انا مش متأكده و مش عاوزه  
اظلمها ادم : انا اكيد مش هاروح اجيبها من شعرها

يعني ، انا بس عاوز اتأكد كارما بحزن: و جودي هو  
السبب ، هي عملت كده بسببي انا ، انا  
المشكلة ادم : متقوليش كده ي كارما ، انت مش  
السبب كارما : لا انا السبب ، لو سمحت ي ادم  
روحني من هنا انا مش عاوزه اسبب اضرر لحد اكرر  
من كده ادم : كارما ممكن تسكتي ، انت ازاي  
مسببه ضرر لحد و انت ا ف المستشفى .. اذيتي  
مين علشان تقولي كده كارما بدموع : اذيت اخوك ..  
واذيت علا ال كان فرحهم امبارح و اتقلب غم  
بسببي انا ادم : انا قولتلك مره ده مش بسببك ، ده  
بسبب حد ثاني و انا هاعرف اتصرف معاه و  
لوسمحت متلوميش نفسك و تحمليها فوق طاقتها  
اكثر من كدا كارما مسحت دموعها ادم : و بريت  
تبطلي عياط بقا و زن زي الأطفال، و يلا بقا كملي  
نوم علشان قدمنا يوم طويل كارما بابتسامه: تصبح  
ع خير ادم : وانت من اهلكه و راح ادم و ساب كارما  
ف دوامه من التفكير .. ي تري ليه ممكن علياء  
تعمل فيها كده .. هي عملت فيها ايه علشان  
تستحق انه فيها كده .. ثاني يوم الصبح \* ادم: انت

ممکن تخرجي انهارده من المستشفى بس طبعا  
هتقعدي هنا شويه لغايت ما تخفي خالص كارما :  
اخيرا ، طب يلا خرجني بقا انا زهقت من  
المستشفى دي ادم ساعد كارما و رجعها  
البيت ف البيت \*\* كارما : انا تقلت عليكم  
اليومين ال فاتو دول ي جماعه انا اسفه جدا ، بس  
انا لقيت فندق قريب من هنا و هقضي فيه  
اليومين ال جايين دول ع ما اخف و اقدر اسافر  
تاني والده ادم : و انت فاكهه بقا ان انا هسيبك  
تمشي وانت كده كارما : انا بجد مش هاقدر افضل  
اكثر من كده ، انا حاسه ان انا ثقيله عليكم لميا : انا  
مش هرد عليكي ع فكره بس ابقني قابليني لو  
عرفتي تمشي من هنا علا : لا طبعا تمشي ايه .. انا  
تخفي الأول و بعدين احنا ملحقناش نقعد معاكي  
حلو كارما : انا مش عارفه اقولكم ايه الصراحه ..  
بجد شكرا الجد: حيث بقا ان الكل متجمعين ف انا  
حابب اقول حاجه علياء ابتسمت بخبث و شر الجد  
كمل كلامه و قال : انا قررت اجوز ادم ل علياء  
بمناسبه انه هنا و انه مش بيحي كثير ف دي

مناسبه کویسه ادم سکت من الصدمه و مش  
عارف یرد هل هیرفض کلام جده علشان حبه ولا  
هیتخلي عن حبه علشان جده؟؟

———— Part Break ————

عاهدت قلبي انت تظل جامدةً حصونه .. واخلفت  
وعدي عندما رايتہ عاهدت قلبي انني للحب في يوم  
لن اسلمه .. واخلفت وعدي عندما عرفتہ کارما  
كانت بس مصدومه حاسه ام في حد ضربها بخنجر  
ف قلبها .. الضربه دي بتوجع اكرت بمليون مره من  
الجرح بتاعها الجد : ايه ي ادم انت مش مبسوط ولا  
ايه علياء قربت منه و قالت : لا طبعاً ي جدو ده  
اكيد مبسوط کارما كانت هتنفجر من الغيظ و  
قالت ل ديمه : انا حاسه ان احنا المفروض منبقاش  
هنا يلا خلينا نمشي ي ديمه ديمه باستغراب :  
اشمعنه قلطعهم ادم و هو بيشيل ايد علياء اى

حتطها عليه و قال : انا اسف ي جدي بس انا مش  
موافق اتجوز علياء علياء انصدمت و اتعصبت ازاي  
يرفضها كده قدام الكل الجد : ليه بقا انشاء الله ،  
انت خلصت تعليم و عندك شقه و بتشتغل ليه  
مش عاوز تتجوز ادم : انا مش رافض الفكره نفسها  
انا رافض الشخص نفسه علياء : انت بترفضني انا  
ي ادم ادم ببرود : ايوه برفضك .. برفضك لأنك  
انسانه متستهليس .. علشان حاولتي تقتلي كارما  
امبارح بس علشان غيرتك منها و شويه حاجات  
فارغه ف دماغك الجد : ايه ال انت بتقوله ده ي  
ادم ادم : اسألها كده الجد موجه كلامه ل علياء :  
صح الكلام ال هو بيقوله ده علياء بتوتر : لا .. لا ي  
جدو طبعا انت هتصدق واحده زي دي و تكذبني  
انا ادم : كارما مقالتش حاجه انا ال بتهمك و ردي  
بقا و قولي الحقيقه لو تتجرأي، كل ده بس علشان  
انتي انسانه حقوده و غلاويه علياء بشر: ايوه بقا انا  
ال عملت كل ده امبارح و كنت هقتلها لولا انك  
لحقتها ع اخر لحظه ... هي تستحق ادم : انسانه  
مريضه الجد بعصبيه: انت ال عملتي كل ده ... ي



خساره تربيتي فيكي .. طلعتي حيه بنري فيها  
علشان ف الاخر تلدغنا ادم : دي مفيش فايده ف  
الكلام معاها دي شيطانه الجد: طب انا بقا هتصرف  
معاكي بطرقتي و هربيكي من اول و جديد علياء :  
ده كله علشان واحده زي دي متستاهلش الجد :  
اخرصي واوعي اسمع لك نفس تاني .. كانت كارما  
مصدومه من ال حصل .. ليه كل الصدمات دي  
بتحصل معاها ..وكأنه اتكتب عليها تعيش كده طول  
عمرها .. بس هي مش هتنكر انها فرحانه.. فرحانه انه  
ادم مش بيحبها و انه رفضها و خد حقها .. لميا :  
كارما احنا اسفين عن كل ال حصل ده .. انا بجد  
بعتذر لك بالنيابه عنها كارما : انتو ملكوش اي ذنب  
ف ال حصل ده كله .. و هي اكيد هتتعاقب ال  
عقاب ال تستحقه علا : الحمد لله انك لسه بخير،  
انه بجد مش عارفه اقولك ايه عن ال حصل  
ده كارما: ده مش ذنبك اي حد فيكم و انا بجد مش  
مضايقه منكم ولا ده هياثرع علاقتي بيكم الجد :  
انا اوعدك ي بنتي اني هاخذ لك حقك منها ولو انه  
متأخر و مش هيعوضك عن ال حصل كارما: كفايه

وقفتم معايا ف الايام ال فاتت دي بالنسبالي كبيره  
جدا الجد بابتسامه : طب حيث كده انت مستعده  
تسمعي طلبي منك كارما بابتسامه : انا موافقه  
عليه من قبل ما تقوله الجد : طب مش تسمعي  
الأول كارما: اتفضل ي جدو الجد : بما انك دلوقتي  
كويسه ف انا حابب استغل الفرصه دي و اطلب  
ايدك ل ادم ابننا كارما اتوترت و احمرت كده و  
معرفتش ترد مالك بضحك : والله العظيم ده لو  
ادم قاعد ع راسك ما هتعوز تخلص منه باي شكل  
كده الجد : لم نفسك ي ابو لسان و نص انت بدل  
ما شوف هلسوعك بالعصايا زي ما كنت بعمل و  
انت صغير ادم: ي لهوي ع الكسفه ديمه : شكلك  
بقا وحش اوييي للجد : لا ده لسه في حكاوي  
كتييير، بليل هبقي اقعد احكيلكم كده ع رواقه ادم :  
ايه ي جدي .. انت هتحكيلهم عن طفولتنا المشرده  
و عاوزها توافق عليا الجد : انت حد طلب رايك انت  
، ممكن تخليك ف حالك و متكلمش ادم :  
حاضر مالك بضحك : خلاص ي جدي انت كده  
جيت عليه اوي و الواد عريس لازم تديله

برستيجه الجد : قال برستيچ قال لميا : طيب مش  
تسمعو رأي العروسه الأول، اقصد رأي كارما  
الأول كانت كارما ساعتها بتتمني الارض تنشق و  
تبلعها من كتر الاحراج الجد: ها رايك ايه ي  
بنتي كارما : انا .. انا .....

——— Part Break ———

كارما باحراج : انا .. انا... لميا : ما تقولي ي بنتي ،  
انت ايه ها كارما : مش عارفه يعني الموضوع جه  
بسرعه انا بس محتاجه افكر علا بخبث : لا واضح  
الصراحه انك محتاجه تفكري لميا : العرض ساري  
لفترة محدوده فكري كويس ي بنتي قبل ما حد  
تاني يلحقه ادم : بس انت و هي هو انا كيس  
شبيسي بتعملولي اعلان .. احتراموني ع الاقل مالك :  
كيس جوافه قاعد ادم : والله هقوملك الجد :  
اسكت يلا انت و هو هو انا مش قاعد ولا ايه المهم ،  
فكري براحتك ي بنتي و خدي وقتك كارما  
ابتسمت و استأذنت تطلع فوق ف الاوضه كارما  
مع نفسها : انا طبعا مش هوافق بسرعه كده بقول  
ايه هموت عليه ... لا طبعا لازم اتقل شويه و هو ال  
يحفي علشاني ... با ي بت ي كارما ما هو كده  
هيفتكر انك مش موافقه ف هيقوم راجع ف كلامه



حبيب القلب براحتها علا : ااا اذا كان كده ماشي  
يلا ي ديمه احنا كارما : ي مصبر الوحش ع  
الجحش، اللهم طولك ي روح خرجو البنات من  
الايوضه بيضحكوا و كارما متغاضه جوه بليل قررت  
كارما تطلع تشم هوا ع السطح و تفكر  
بهدوء طلعت كارما و قعدت تتأمل النجوم و تفكر  
ف كل الأحداث ال مرت بيها ، لطالما كانت حياتها  
ممله رتيبه مفيش فيها أي أحداث تذكر لغايت  
السنه دي ، السنه ال شقليت حياتها بالكامل ادم  
جه وراها منغير ما تحس بيه و قال : متفكر يش  
كتير و متشغليش بالك باي افكار فضي ذهنك من  
كل حاجه ممكن تعكر صفوك ... فكري بس ف  
المستقبل و سيبني الماضي بكل الحاجات ال  
حصلت فيه مهما كانت كانت كارما بتسمعه و هي  
مثبته نظرها ناحيه السما و بتبص ع النجوم ف  
هدوء .. كارما بهدوء : بحاول اتخلص من كل  
مخاوفي ال مقيداني .. بحاول اتخلص من كل حاجه  
مخلياني خايفه من المستقبل و خايفه من ال  
ممكن يحصل بكره ادم : مهما كان الماضي مهم ف

الحاضر اهم منه متسمعيش لحد بيقول الماضي  
هو ال بييني المستقبل انت ال بتبني المستقبل ..  
فكري كويس ف كل خطوه بس متخليش التفكير  
الزياده يضيع عليكى حاجات كتير حلوه ف حياتك و  
كمل بضحك : زبي كده انا فرصه او عي  
تضيعها كارما ابتسمت ع ال قاله : اكتر واحد  
متواضع شفته ف حياتي فجأه سمعو صوت دبه ع  
الارض راحت كارما وآدم يشوفو صوت ايه ده لقو  
ديمه و علا و لميا وقعين فوق بعض ادم : ممكن  
تفهموني ي اساتذه بتعملو ايه كارما و هي بتكتم  
الضحك : خليههم بس يقومو من ع الارض  
الأول لميا و هي بتقوم و تنفض هدومها : احمم..  
احنا .. احنا بس كنا ب. ب. كارما : ب. ب. ايه علا : كنا  
بس بنشوف كارما فين مش اكتر ..صح ي  
بنات ديمه : ايوه ،ايوه .. صح طبعا .. احنا كنا بس  
بندورع كارما يعني رحنا الاوضه ملقناهاش ادم:  
اها طب اظن انتو عرفتو هي فين دلوقتي يعني  
تقدرو تشوفو مشاغلکم لميا بسرعه : اه .. ايوه صح  
يلا بينا ي بنات نشوف احنا راحين فين .. ضحك ادم



و كارما عليهم و نزلو هما كمان ... ثاني يوم الجد :  
ها ايه رايك ي كارما ي بنتي كارما بخجل : ال  
حضرتك شايفه ي جدو الجد بابتسامه: خلاص ع  
بركه الله ، الشيخ محسن المأذون جاي ف الطريق  
انا كنت عارف انك هتوافقي كارما و ادم بصدمه :

هااا !!!



——— Part Break ———

ادم : ايه ي جدي بالسرعه دي الجد : هو انتو  
مش وافقتوا ادم : ايوه بس يعني احنا لسه  
منعرفش بعض لسه في فتره خطوبه و حاجات  
كتير كارما : ايوه ي جدو يعني احنا لسه منعرفش  
بعض كويس غير بس من الشغل الجد : لا اتعرفو  
ع بعض بعد الجواز احنا معندناش الحاجات دي  
طالما انت جاهز و هي جاهزه و انتو الاتنين موافقين  
يبقي خلاص كل حاجه تانيه بتيجي بعد  
الجواز كارما: ايه ي جدو بس الجد : مفيش بس يلا  
جهزو نفسكم و عنعملكم هنا فرح البلد كلها تتكلم  
عليه ادم : بس انا مش حابب نعمل فرح كارما : انا  
كمان مش حابه اننا نعمل فرح و كده الجد : انتو  
حرين المهم جهزو نفسكم زي ما قلت المأذون  
جاي طلعت كارما تجهز كانت كارما سرحانه هي  
رغم كل حاجه الل انها مش مستعده .. مش  
مستعده للخطوه دي ولا لاي علاقه ف الوقت ده ..  
بس هي مش عارفه ليه كل حاجه ف حياتها بتيجي

فجأه منغير اي انزار لميا : الف مبروك ي  
كوكي.. علا : الف مبروك ي عروسه كارما بابتسامه  
: الله يبارك فيكم ديمه بصت لها بحب و مسكت  
اديها و قالت : انا عرفه انك متوتره بس لنا واثقه انك  
قدها .. انت قد المسؤوليه دي .. لازم تدي نفسك  
فرسه يمكن تكون دي الحاجه ال هتغير حياتك كلها  
.. خليها صفحه جديده و صدقيني انت تستاهلي كل  
خير ي قلبي كارما ابتسمت بهدوء لميا : يلا بقا ي  
جماعه سيبو العروسه تجهز بقا بعد فتره كارما  
جهزت و نزلت تحت ، كانت شبه الاميرات و كانت  
تبهر ، اتفاجا ادم من جمالها الجد : يلا ي  
بنتي كارما : انا اهو الجد : فين الوكيل بتاعك ي  
بنتي كارما : دكتور كمال كمال بتفاجئ: انا كارما:  
انا باعتبار حضرتك زي والدي بالضبط و اتمني انك  
توافق ع الطلب ده كمال : ده انا ليا الشرف بعد  
فتره المأذون: بارك الله لكما وبارك عليكما وجمع  
بينكما في خير الجد : مبروك ي ولاد ادم و كارما :  
الله يبارك فيك ي جدي بعد كل المباركات و  
التهاني و سهره لطيفه مع العيله ادم : هنستاذن

احنا بقا كارما بعدم فهم: نستأذن فين ؟ ادم  
بضحك : هفهمك بعدين الجد بابتسامه : تصبح ع  
خير ي بني ادم : وانت من اهله ي جدي ادم : يلا  
ي بنتي لميا : شكلها القعده عجبتها قامت كارما  
مع ادم و طلعو الاوضه بتاعه ادم كارما بتوتر : ها  
عاوز ايه بقا ادم: عاوز ايه ي بنتي انت خايفه كده  
ليه هو انا هاكلك ... كارما : لا بس.. ادم بضحك :  
بس ايه، متخافيش اقعدي هنتكلم كارما قاعدت ع  
حرف السرير و قالت : انا حاسه ان كل حاجه جت  
بسرعه .. انا بس متوتره مش قادره استوعب كل ال  
حصل ده .. انا .. ادم قرب منها و مسك اديها .. كارما  
انتفضت من مسكته لايديها بس هو طمنها و قال :  
متخافيش انا جمبك و مش هاذيكي .. انا عارف انك  
مريتي بحاجات صعبه كتير ف حياتك بس انا  
عاوزك تطمني طول ما انا جمبك كارما : انا .. انا  
مطمنه معاك . انا بس محتاجه شويه وقت علشان  
اتعود ادم : اكيد طبعا لازم احنا الاتنين ناخذ وقت  
نتعرف علي بعض ، اهم حاجه تثقي فيا كارما  
بنعاس : لا لا امت بتقول ايه ي راجل انا واثقه فيك

جدا .. بس ممكن ننام بقا علشان انا بجد مش  
قادره ادم بدهشه : انتي اكيد عندك انفصام ف  
الشخصيه ، هو ده طبيعي كارما : نبقي نشوف  
الموضوع ده بعدين عديني كده علشان انا هموت  
وانام.. ادم : طب خدي جمب بقي كده ي حلوه  
علشان انام انا كمان كارما : ليه هو انت فكر ان انت  
هتشاركني السرير ... نيفرررر ادم : ااه .. لا ي ماما  
دي اوضتي . انتي ال هتشرکيني السرير ف لو  
مش عجبك الارض واسعه اهي كارما : بقا هي  
كده ادم و هو بينام ع السرير : اه كده هتعملي ايه  
يعني كارما و هي بتشد الغطا و بتنام ع الجنب  
التاني : هعمل ايه يعني هنام ادم : اخره العند كارما  
: انت لسه شفت حاجه ادم : ربنا يستر من ال  
جاي

———— Part Break ————

تاني يوم نزلت كارما و ادم و معاهم شنتهم الجد  
: راحين ع فين كده ي عرسان ادم : دكتور كمال  
روح بدري علشان العياده و كده واحنا مش عاوزين



نسيبه لوحده ف قررنا نرجع بقا احنا بقالنا كتير  
هنا الجد : بقالكو كتير ايه ي بني ده انتو لسه  
متجوزين امبارح ، انتو لحقتو قعدتو معانا  
شويه لميا بخبث : سييهم براحتهم ي جدي لسه  
عرسان جداد بقا و مش عاوزين ازعاج كارما : لا كتر  
خيرك واللّه لميا : اي خدمه علا : بارده موت ي  
جدعاان لميا بسماجه : شكرا مالك : طب استني  
بقا احنا جايين معاك احنا كمان احنا كنا هنروح مع  
دكتور كمال الصبح بس قلتنا نمشي معاكم ادم  
بهدوء: ليه ي اخي ، ايه السماجه دي عيل  
بارد مالك بضحك : بتقول حاجه ي ادم ادم : لا  
بقول يلا بسرعه علشان نلحق نوصل بدري مالك :  
لا الشنط جاهزه يلا بينا ادم : يلا ي اخويا .. مالك  
بضحكه سمجه : متزوقش بس ف العربيه كارما :  
هتروحي ع البيت ولا ع السكن ديمه بحزن :  
للأسف ع البيت كارما : معلش ي ديمه .. هما كام  
يوم و هيعدو مش كتير يعني ديمه : اتمني  
الصراحه اغمض عيني و افتح الاقي التلت ايام دول  
خلصو كارما : مش هتيجي ع تلت أيام يعني انشاء

الله هيعدو بسرعه ديمه : ان هتنقلي حاجتك من  
السكن صح كارما : ايوه بس مش دلوقتي يعني  
مش حاجات مهمه .. المهم انا عاوزه ابقى اقول ل  
نور برضو انا من ساعه ما نقلت السكن و حوار  
السفر ده وانا مش بكلمها كتير ف عاوزه ابقا اروح  
لها اطمئن عليها و احميلها بقا كل ال حصل  
ده ديمه : دي هتعلقك .. كارما بضحك : ربنا يستر  
دي هتنفخني بجد ديمه : تستاهلي كارما بزعل  
مصتنع : شكرا ديمه بسماجه : العفوي قلبي و  
بعد ساعات و ساعات وصلو ادم وصل مالك و  
ديمه وروح هو كارما بيته كارما كانت ماشيه معاها  
بتتأمل المكان كان مكان جميل و البيوت ال فيه  
شكلها مرتب و راقي ادم : ايه رايك كارما : المكان  
حلو اوي الصراحه و طلعو بعدها البيت ادم : انا  
هادخل انام شويه علشان حاسس ان انا فاصل  
خالص .. ممكن تغيري هدومك ف الاوضه ال هناك  
دي او مكان ما تحبي كارما بهدوء: تمام دخل ادم  
ينام و كارما قعدت تلف و تتفرج ع الشقه كانت  
شقه هاديه و بسيطه الونها جميله.. كانت بتلف ف

الشقه حته حته بتتفرج ع كل ركن فيها دخلت  
البلكونه ال كانت كلها زرع و ف نصها ترايبزه صغيره  
عليها كتاب قعدت كارما ف البلكونه تتأمل ف  
الشارع و ف الزرع و فكل حاجه .. هي مش قادره  
تستوعب انه هي خلاص اتجوزت .. هي طبعا مش  
رافضه و لاكلها خايفه يكون اتجوزها بس علشان  
جده .. كارما ف نفسها : اكيد لا .. ما هو لو مش  
عاوز يتجوزني كان رفض زي ما عمل مع علياء ..  
بس ممكن يكون كمان مش بيحبني .. اكيد لا هو انا  
حد يقدر يقاومني .. هه اكيد واقع واقع و بعد  
التفكير و التفكير لساعات قررت انها تشغل  
التلفزيون و تتفرج ع حاجه تسليها بما انها مش  
عاوزه تنام فتحت التلفزيون و قعدت ع الكنبه  
تتفرج لغايت ما راحت ف النوم بعد شويه صحي  
ادم و خرج لقي كارما نايمه ع الكنبه و شكلها  
سقعان ادم جاب غطا و حطه عليها و كعد ف  
الارض و حط راسه ع المخده بتاعتها شويه و  
صحيت كارما كارما : ادم .. ادمم ادم كان صاحي  
بس عمل انه نايم كارما : ادم .. اصحي انت نايم ع

الارض كده ليه و قربت منه علشان تصحي و فجأه  
شدها ادم وقعها ف حضنه كارما انصدمت من ال  
حصل ده و قلبها بدأ يدق بسرعه حاولت تفلت منه  
بس هو كان مثبتها جامد كارما : ادم .. ي ادم  
سيبني بقا و يلا قوم .. ادم : و لو مقومتش  
هتعملي ايه كارما : ما انت صاحي اهو ادم : اه  
صاحي كارما : طيب ممكن تفكني بقا  
لوسمحت ادم : و لو مش عاوز افكك .. انا مبسوط  
كده ي ستي قاطع صوتهم خبط ع الباب كارما :  
اهو ف حد بيخبط .. سبني بقا اروح افتح الباب ادم  
سابها و قال بحد : تروحي تفتحي باب ايه بال انت  
لبساه ده .. روعي ي ماما الاوضه ع ما شوف  
مين كارما قامت دخلت الاوضه و ادم راح فتح  
الباب ادم : استاذ علاء .. اتفضل استاذ علاء : .....

——— Part Break ———

ادم : استاذ علاء اتفضل علاء بسماجه: ازيك ي  
دكتور ادم : الحمد لله، اتفضل ادخل ي استاذ  
علاء علاء : احمم ، انا هادخل ف الموضوع ع

طول ادم : من فضلك علاء بفضول : هو يعني  
مراقي شافتك ي دكتور و انت جاي من السفر و  
معاك شنت كتير وكده ف ندهت عليا اساعدك بس  
لما خرجت لقيت ان في حد معاك احنا طبعا عارفين  
ان انت دكتور محترم و جارنا من زمان بس احنا  
بنستفسر بس مين دي ؟؟ ادم بيرود : دي مراقي ي  
استاذ علاء، و لسه راجع من عند اهلي .. كده ارتحت  
و عرفت ال حضرتك عاوزه علاء بسماجه : مش ده  
القصد ي دكتور و ع العموم الف مبروك ادم : الله  
يبارك فيك ، منورنا والله، تشرب حاجه علاء  
بسماجه : لا شكرا ي دكتور هستاذن انا بقا .. مع  
السلامه ادم : مع السلامه و مشي علاء ده و خرجت  
كارما كارما : هو مين ده ي ادم ادم : واحد كده  
جارنا كارما : اها ، و عاوز ايه بقا ادم : مفيش كان  
بيسأل ع حاجه المهم لو حد كلمك هنا من جيران  
الحي ردي ع القد و متخديش ع حد هنا كارما :  
تمام ادم : امال انت لابسه و راحه ع فين كده كارما:  
فكرتني ، انا كنت عاوزه ارواح شويه عند نور جارتنا  
ال انا قلتلك عليها ها ؟ ادم : تمام بش ما تستني

بكره تروحي كارما : لا بكرة هنرجع الشغل و كده و  
انا هاروح انهارده و خلاص و بعدين متخفش مش  
هطول هناك ادم : طب استني هوصلك كارم :  
مش مهم نا انا هاروح لوحدي عادي ادم : اخنا بليل  
هتخرجي ازاي كارما : ادم احنا لسه الساعه ٨ ،  
خلاص

يلا -----  
\_عند نور نور : ازيك ي كوكي .. ي شيخه ولله زمان  
الواحد مشفكيش كارما : اديني جيت اهو نور :  
اتفضلي ي قلبي دخلت كارما و نور و قعدو  
يتكلمو نور : ده كله حصل وانت حتي معرفتنيش  
بالتليفون كارما : والله العظيم كل حاجه حصل  
بسرعه جدا لدرجه ان انا نفسي لسه مش  
مستوعبه نور : خير ي حبيبتني ان شاء الله ، يمكن  
دي تكون صفحه جديده كارما : ي رب نور : طب  
انا هروح اعمل كوبايتين شاي و جايه كارما :  
تمام راحت نور المطبخ و انتبهت كارما من التراييزه  
ال كانت وراها راحت كارما قربت من التراييزه  
علشان تشوف لقتها سجاير و ازازه بيره صغيره نور

رجعت كارما بتساؤل : انت بتشريبي نور نور  
باستغراب : بشرب ايه ي بنتي كارما: سجاير و  
بيره نور باستغراب : لا مش بشرب ،  
اشمعني كارما بشك : لا مفيش، المهم ان انا لازم  
امشي دلوقتي علشان ادم اتصل نور : هو انت  
لحقتي ، طب اشربي الشاي ع الاقل كارما : مره  
تانيه اوعدك نور : اما نشوف المره الجايه دي  
هتبقني امتي كارما : قريب .. يلا سلام نور : مع  
السلامه و مشيت كارما و رجعت نور تبص ع  
الحاجه و لقت السجاير و الازازه محطوطين ع  
الترابيزه نور : يالهوي ع غبائي، و انا سايبه الحاجه  
هنا زي الهبله و مخدتش بالي

منها -----  
عند كارما كارما كانت سرحانه و مش مركزه ادم :  
مالك ي كارم سرحانه ف ايه كارما : لا ولا حاجه ادم  
: انت من ساعه ما رجعتي و انت مش مظبوطه و  
سرحانه كده ، ايه ال حصل ي كارما حكت له كارما  
كل حاجه حصلت و الحاجات ال لقتها عند نور ادم :  
طيب معنديش اروحي لها لوحدك تاني ي



کارما کارما : لا طبعا انا لازم انصحها دي جارتنا من  
زمان و هي انسانه کویسه ، بس اکید هي مضغوطه  
بس علشان کده ادم : مش معني انها مضغوطه او  
بتمر بفترة وحشه انها تعمل کده . بس طبعا کلنا  
بشر و بنضعف، ف کل ال عليکي تعملي هو انک  
تنصحيها تبعد عن الطريق ده کارما : معاك حق انا  
هاعمل ايه عليا و

انصحها -----

\_\_\_ عند ديمه ديمه کانت قاعده مع مامتها ف  
الصاله جابر : مالک ي ديمه مضايقه کده ليه ديمه  
بعنف: وانت مالک انت مضايقه و لا مش  
مضايقه مامتها : ردي عليه کویس ي ديمه ديمه :  
اوووف ما تخلصوني بقا مش انتو کنتو خارجين و  
علشان کده جاييني اقعد ف البيت ع ما تیجو  
مخرجتوش ليه بقا جابر بتصنع : اهدي بس ي  
ديمه ، احنا خارجين اهو خلي بالک من نفسک  
بقا ديمه بعصبیه : نینینی .. طب یلا بقا مع  
السلامه مامتها : بس اما ارجع لیا کلام تانی معاکي

——— Part Break ———

ف العياده كمال : انتو رجعتو ليه بدري كده مالك  
: والله قولنا نرجع علشان منسيبش حضرتك هنا ف

العياده لوحدك كمال : انا مش بكلمك انت اصلا..  
ده انت او مكنتش رجعت كمت هاجي اجيبك من  
قفاك انا بكلم العرسان مالك : ااه بقا كده ب  
دكتور ، طب انا زعلان كمال : طق ، عيل  
عبيط مالك : هو يعني علشان ادم و كارما اتجوزو  
تقعد تهزأني انا يعني ، هو مفيش غيري ولا  
ايه كمال : لا متخفش لسه ديمه هي كمان ، الا  
صحيح هي ديمه فين كارما : هي لسه  
مجتش كمال : لا لسه كارما: دي راجعه معانا  
امبارح مالك : يااه ع الهدوء ، ما انا بقول ليه  
العياده هاديه انهارد ه شويه و دخلت ديمه  
بتجري ديمه : انا اسفه ي دكتور ع التأخير كمال :  
عادي ي ديمه ، بس هو في حاجه ولا ايه ديمه : لا  
الدنيا كانت زحمه بره علشان كده كمال: ولا يهملك،  
روحي كملي شكلك ديمه : تمام شكرا ي  
دكتور ف المكتب بتاع ديمه كارما: اناخرتي  
ليه ديمه بعصبيه: انت عارفه غيرت مكاني و  
صحيت متأخر كارما : هما هيفضلو هناك كام  
يوم ديمه : تلت ايام كارما: يلا هانت اهي ديمه :

ي مسهل و نخلص و ارجع السكن تاني و اقعد  
براحتي علشان اعرف انام و اضايق مالك  
كويس مالك و هو بيدخل المكتب : انا سامع حد  
بيجيب ف سرتي ديمه : ي رتني جبت ف سيره ربع  
جنيه مالك: هو انت تطولي كارما : طب استأذن انا  
ورايا حالات ديمه : وانت مش وراك حاجه  
تعملها مالك : ليه فكري فاضي زيك ديمه : ما  
تلم نفسك و بعدين جاي المكتب بتاعي ليه ي  
استاذ المشغول مالك : اتفضلي الملفات بتاعه  
انهارده دكتور كمال هو ال بعثها ديمه : مش  
ضاحك عليا و مديني من ملفاتك زي مل  
مره مالك : عيب عليك انا اعمل كده برضو ديمه :  
وابو كده كمان مالك : انا اصلا معنديش وقت  
للتفاهات دي لنا زي ما قولتلك انسان مشغول ،  
يلا سلام ديمه : عبيط ده ولا ايه .. ربنا يتوب  
علينا خلص اليوم و عدي بسلام ع أبطالنا.. بس هل  
اليوم هيخلص من غير

مشاكل  
-----  
عند ديمه ديمه روجت البيت و غيرت و قعدت تقرأ

كتاب عالسرير و اندمجت معاه قاطع اندماجها ده  
صوت التليفون ديمه: الو كمال : ازيك ي  
ديمه ديمه: الحمد لله ي دكتور كمال : انا بكلمك  
بخصوص الملفات ال مالك جابها الصبح خلصتي  
كل الحالات ال فيها ديمه : ايوه ي دكتور ماعدا ال  
حاله ال اتصلت أجلت المعاد قاطع صوتهم ده  
صوت الباب ديمه بتوتر : معلش ي دكتور لحظه  
واحده انا سامعه صوت باب بيتفتح و انا لوحدي ف  
الشقه كمال : قومي شوفي مين و متخافيش انا  
مش هافصل الخط ديمه : انا مش عارفه ... مش  
مهم ي دكتور تقريبا بتخيل اصل انا لوحدي ف  
البيت كمال : طب خلي بالك من نفسك بنتي و  
وقت ما كانت ديمه بتكلم دكتور كمال دخل جابر  
اللاوضه ديمه بزعر : انت بتعمل ايه هنا كمال ف  
التليفون : ديمه.. انت كويسه ديمه مسمعتش  
دكتور كمال لأنها وقعت التليفون من اديها ساعت  
ما دخل جابر ديمه بزعيق: بقولك بتعمل ايه هنا و  
غين ماما .. جابر جاوبها و هو بيبيص عليها : ماما ايه  
بقا ي حلوه .. ده انهاردده ده بتاعنا لوحدا ديمه

بزئيق: اخرج بره ي سافل انت ... بقولك ةخرج  
بره جابر : متتعبيش نفسك محدش هيسمعك من  
هنا ل السنه الجايه كمال كان سامع كل حاجه و  
مقفلش التليفون ديمه : ابعد عني احسن لك  
علشان متشوفش الوش الثاني ي جابر جابر : ياه ع  
حلاوه اسمي وانت بتناديني كده و حاول يقرب  
منها ديمه : انا حضرتك مره .. و قامت موقعه  
الكوبابه ع الارض جابر بشر : كده خوفتيني يعني  
.. احسنلك متتهوريش علشان متعصبه عليكي و  
انا مش عاوز اتعصب ديمه مسكت ازازه من ع  
الارض و قالت : والله لو قربت مني لاكون  
مموتاك.. جابر : ي مامي .. خفت انا كده يعني وقام  
ماسك اديها ال فيها الازازه وضاعط عليها لغايت ما  
اتعودت ونزلت دم ديمه بالم : سييب ايدي ..  
اااه جابر : .....



جابر : انا قلت لك متتهوريش علشان انا مجنون  
اكثر منك .. وساب اديها ديمه الازازه وقعت من اديها  
وبدأت تنزف دم غرق الاوضه جابر : شوفي لنت  
عملتي ف نفسك ايه .. انا مكنتش عاوز  
اذيكي ديمه بالم : ابعد عني لوسمحت ، لو عندك  
ذره دم و احساس ابعد عني .. جابر و هو بيقرب  
منها و بيمسك شعرها : ياه كان نفسي اشوفك  
كده من زمان ..بس مش مهم كل حاجه ف وقتها  
حلوه .. ديمه بهستيريا : ابعد عني .. ابعد عني ..  
قنت اكيد مش بني آدم جابر بتملك : توء .. توء ..  
متقوليش كده .. ده انتي هتتبسطي اوي .. و كمل  
وهو بيحسس ع شعرها و بيتاملها : كان نفسي  
فيكي من زمان اوي .. لو تحسي بال انا حاسس بيه



وانا بشوفك ع طول و انتي بتفرضيني .. بس مش  
مهم ادي الفرصه جت اهي و مفيش حد هياخدك  
مني ديمه وهي بتحاول تفلت منه : انت مريض ..  
انت اكيد مريض .. مستحيل تكون انسان  
عاقل جابر : صح .. معاكي حق ، انا مجنون  
بيكي ديمه بترجي : سيبي بقا ، سيبي وانا مش  
همشي من هنا و مش هتشوف وشي من تاني، بس  
ابعد عني ارجوك جابر : ليه بتختاري كل مره  
تبعدي عني ، ليه مش عاوزة تفهمي ان انا مجنون  
بيكي و عاوزك انت وقرب منها و رماها ع حرف  
السريـر ديمه بالم : ااه ااه جابر : انا حاولت  
معاكي براحه بس انتي مش سيبيالي اي خيار تاني و  
قبل ما يعمل اي حاجه جه البوليس و اقتحم  
الشقه الضابط : أقف مكانك اوعي تتحرك بدل ما  
افرغ المسدس كله ف راسك جابر بتوتر : انا .. انا  
معملتش حاجه .. الضابط : هاتهوري ينورنا ف  
القسم يبقي يقول هناك انه معملش حاجه كارما  
جريت بسرعه ع ديمه ال كانت قاعده متكوره ع  
نفسها ف ركن ف الارض و حاطه اديها ع

ودانها كارما : ديمه ي قلبي انتي كويسه ..  
متخافيش انا معاكي و مش هسيبك تاني ابدًا ديمه  
كانت مصدومه و بس عماله تقول بهستيريا : ابعـد  
عنييي ... مالك قرب منها و قال : اهـدي ي ديمه هو  
مشي البوليس خـده .. معتش موجود ديمه  
بهستيريا و هي بتتكور اكرع نفسها : ابعـد  
عنييي مالك لمح الدم ال ع هـدومها و ال مغرق  
الارض و لقا اديها بتنذف مالك : قومي بس ي  
ديمه متخافيش هو مشي والله كمال : طب وسع  
كده ي مالك و راح دكتور كمال وقفها و سندها هو  
و مالك علشان كارما تقدر تخرج الازاز و تقفل  
الجرح و فجأه اغمي عليها شالها مالك بسرعه  
و راح بيها ع المستشفى هناك ف المستشفى  
\*\* كمال : اهـدو ي جماعه انا شاء الله هتكون  
بخير كارما : ي رب ي دكتور .. انا مش عارفه ايه ال  
ممکن يحصلها لما تفوق او هتتخطي الموضوع ده  
ازاي جه ادم ادم : ايه ال حصل ي جماعه كارما  
بدموع اترمت ف حضنه ادم حضنها و طمنها :  
اهـدي ي كارما ، ان شاء الله هتفوق بالسلامه ،

صدقيني ان شاء الله خير كارما بدموع : انا خايفه  
اوي عليها ي ادم .. انا خايفه متقدرش تتكلم مع حد  
و لا تثق ف حد ثاني خايفه عليها اول ما تفوق و  
تفتكر كل ال حصل .. ادم مسك اديها و قعدها و  
قال : ديمه قويه و ان شاء الله هتفوق و هتقدر  
تواجه كل ال حصل و احنا معاها و مش هنسيبها  
... كارما شدت ف ادم اكثر و زادت ف العياط كان  
مالك مش بيتكلم واقف ف جنب سرحان ، خايف  
ع ديمه كأنها بنته ال خايف يخسرهما ، كل ما  
يغمض عينه يفتكر شكلها و هي بيغني عليها و  
شكلها و هي منهاره .. شدة ايدة من كتر الغضب و  
ضرب ع الحيطه كمال : اهدي ي مالك .. إن شاء  
الله هتفوق و هتبقى زي الفل . اهم حاجه محدش  
يفتح معاها سيره ال حصل ثاني انا تفوق بإذن  
الله مالك : هو فين .. هو راح فين الحقيده ادم :  
اهدي ي مالك انا عارف انك متعصب من ال حصل  
كلنا مضايقين بس هو دلوقتي مع الشرطه و هما  
هيديلو ال عقاب ال يستحقه مالك بعصبيه : واحد  
مريض زي ده يستاهل الموت ، لو كنت مسكته

كنت قتلتته بأيدي دي مكنتش رحمته و لا خليته  
يعيش لحظه واحده بعد ال عمله كمال راح له و  
هداه و حط ايده ع كتفه كمال : انا عارف ان ال  
حصل كان صعب علينا كلنا بس حاول تتمالك  
أعصابك علشان ديمه، فهمني ي مالك مالك  
مردش ، هو بص الناحيه الثانيه و قال : كل نا احاول  
اغمض عيني بس كل حاجه تيجي ف دماغي كل  
الصور والمشاهد بتتعامل تاني قدامي زي  
الفلم كمال : لازم تتماسك ي مالك و تتحمل  
شويه، انا حاسس بيك و عارف انت بتحس بايه  
دلوقتي بس لازم ف الوقت ده نحاول كلنا نكون  
معاهنا لازم احنا نكون الحيطه ال هتتسند  
عليها مالك: انتو مش فاهميني ولا عمركم هتفهمو  
انا حاسس بايه دلوقتي ، انا بحبها ي دكتور، بحبهاا  
فاهمين انا كنت بتعذب كل لحظه كأنها بنتي او  
كأنها جزء مني انا حاسس بالم ف قلبي ، حاسس  
بكل حاجه هي حاسه بيها .. كمال : اجمد علشانها،  
علشان هي فعلا محتاجاك ف الفره ال جايه .. و ع  
العموم انا حاسس بال انت بتقول عليه ده قاطع

كلامهم خروج الدكتور

——— Part Break ———

قاطع كلامهم خروج الدكتور مالك جري عليه

بسرعه : ها ي دكتور هي كويسه الدكتور : هي  
جسمانيا كويسه و عالجنا الجرح ال ف اديها بس انا  
شاكك كده تكون دخلت ف حاله صدمه  
عصبيه، بس ان شاء الله خير .. و هتفوق بإذن  
الله كمال : شكرا ي دكتور مالك : صدمه  
عصبيه!! كمال : ال مرت بيها مش قليل ربنا يعديها  
ع خير ي رب و تقوم بالسلامه كارما : ي رب ي  
دكتور .. فضلت ديمه ف المستشفى يوم كامل  
مش بتفوق تاني يوم الدكتور : الانسه ديمه بتفوق  
لو حابين تتفضلو لعا بس اتمني محدش يذكر اي  
حاجه من ال حصلت قدامها دخل الكل لها  
بلهفه مالك بلهفه و هو بيجري عليها : لنت كويسه  
ي ديمه ديمه باستغراب : كويسه !! انت ال  
كويس مالك : قصدك ايه ديمه : مالكم كده ي  
جماعه عمالين تقولولي كويسه كويسه ما انا كويسه  
قدامكم اهو ، هو ايه ال حصل صحيح وانا هنا ف  
المستشفى باعمل ايه مالك: ايه ! كمال : لا  
مفيش انا كنت بكلمك ليل و بعدين سمعت  
صوتك بتصوتي ف جيتلك بسرعه افكرت حاجه

حصلت و كسرت الباب لقيتك بس ايدك بتنذف ف  
جبتك هنا ديمه : ايوه صح انا فاكهه ان انا كنت  
بكلمك ي دكتور و بعدين مش فاكهه اي حاجه ثاني  
الصراحه كارما : هتلاقيها اغمي عليكي ساعتها  
غمي عليكي ، المهم الحمد لله انك بخير  
دلوقتي ديمه : انا كويسه اهو ممكن بقا اروح البيت  
هو احنا ايه ال مقعدنا ف المستشفى ده مجرد  
جرح كمال : هطلعك التصريح و هنمشي ع  
طول مالك : طب انتي حاسه باي حاجه ثانيه ديمه  
باستغراب : مالك انت شارب حاجه ع الصبح، انت  
نمت كويس ، انت مالك كده بتكلمني  
منغير خناق مالك : انا غلطان ي ستي هبقي اجي  
أشد ف شعرك وانت ف المستشفى ديمه بضحك  
: لا خلاص الطيب احسن مالك : طب انا رايح ل  
دكتور كمال و جاي عند الدكتور \*\* مالك : هي  
كده كويسه ي دكتور ، دي مش فاكهه اي حاجه  
خالص الدكتور : ساعات العقل بيخليك تنسي  
حاجات انت مش قادر تتقبلها و اظن ان ال حصل  
معاها ده مكانش حاجه سهله انها تتخطي بسرعه

ف عقلها مسح كل حاجه هو مش قادر يتقبلها ،  
بس لازم تتعاملو معاها بحذر الفتره الجايه .. لازم كل  
كلمه تكون بحساب كمال : حاضري دكتور الدكتور  
: وحاجه كمان ، لازم تتعاملو معاها بطبيعيه كان  
مفيش حاجه حصلت مالك : تمام ي دكتور ، شكرا  
لحضرتك الدكتور بابتسامه: العفو ف بيت  
ديمه ديمه : شكرا ي جماعه ع وقفتم معايا ، بس  
انا بقيت كويسه دلوقتي كارما : ماشي ي ستي ما  
انا عارفه انك كويسه بس انا ها فضل معاكي علشان  
اساعدك ولا انت مش عوزاني افضل ولا ايه ديمه :  
هو انا اطول ، طبعا براحتك ادم : خلو بالكو من  
نفسكم و اي حاجه اتصلو ع طول كارما : تمام .. مع  
السلامه ادم : سلام ديمه بخبث : الله يسهلوي  
عم كارما : هنبتي ننق بقا ديمه : اللهم ما لا حسد  
ي ستي ثاني يوم ف العياده كمال : اتفضلوي  
دكاتره دي ملفات كل واحد فيكم مالك بضحك :  
ديمه مش عاوزه شويه ديمه : لا كتر خيرك  
خليهو ملك .. لو انت عاوز متكسفش مد  
ايدك مالك : لا .. ال معايا حلوين كفايه كمال : يلا



ي دكاتره كل واحد ع شغله بقا الكل : تمام ي  
دكتور بعد يوم طويل من الشغل ديمه و هي  
بتقعد ع الكرسي : اووف ، كان يوم زحمه اوي  
انهارده كارما : الصراحه ، انا مش قادره اتحرك من  
مكاني مالك : انا محتاج حد يروحني البيت بعد  
اليوم ده كمال : طب ي دكاتره ي حلوين مين ال  
هيرتب الملفات ف اخر الاسبوع ديمه بتهرب : انا  
جالي تليفون ي جماعه و محتاجه ارد عن  
اذنكم مالك : انا كمان كارما : مشغوله موت اخر  
الاسبوع هاعمل حاجات كتيير اوي ادم : هسيب  
البلد ، هاهج ع اخر الاسبوع كمال : انتو كده  
مستوش ليا اي خيار تاني ي جماعه انتو الاربعه  
جايين اخر الاسبوع ترتبو المخزن و تفرز  
الملفات ديمه : ي دكتور هي الملفات مش  
بتخلص ادم : ان شاء الله .. ان شاء الله كمال :  
خلاص هستناكم ، اي خدمه هاقعد اتفرج عليكم  
اهو اشوف مين ال بيعمل بضمير و مين لا ، مش  
كده ي دكتور مالك مالك : وانا مالي ي دكتور ..  
الله كمال : انا بس بقول قاطع صوتهم ده دخول

والده ديمه و هي متعصبه والده ديمه : .....

والده ديمه بعصبيه : فين جابر ي ديمه الكل  
كان مصدوم من دخولها المفاجئ ديمه باستغراب:  
مش جابر كان معاكي و المفروض هترجعو بعد  
يومين ولا مش عارفه ايه والده ديمه بعصبيه :  
متعمليش فيها عبيطه ، جابر راح السجن ليه  
ديمه ديمه بعصبيه: معرفش .. انا ايه ال  
هيعرفني كمال حاول يهدي مامت ديمه ف جمب  
علشان حاله ديمه متسؤش زي الدكتور ما قال و  
اخدها بره العياده مالك : اهدي ي ديمه ، اكيد هي  
بس متعصبه من حاجه ديمه ببرود: اصلا مش  
فارقه مالك: طب انتي كويسه ديمه بهدوء : انا  
كويسه بس ممكن تسيبوني لوحدي شويه كارما

قربت منها وقالت : لا طبعا نسيبك ده ايه، انت  
ديمه القويه ال ع طول بتضحك، وبعدين احنا  
معاكي اهو عاوزه تقعدي لوحدك ليه ديمه  
بابتسامه هاديه : شكرا ي جماعه ع كل ال بتعملوه  
علشاني ده بجد مش عارفه اقولكم ايه ، بس لنا  
محتاجه اقعد بجد حاسه ان انا دايله مالك بخوف  
و قرب منها : انت حاسه بحاجه ثانيه، انت كويسه ي  
ديمه ديمه: والله كويسه ي جماعه انا بس محتاجه  
ارتاح مش اكثر ، وبعدين مالك قلبت فجأه كده انت  
ال كويس كارما بتنسحب: طب هاروح انا اجيب  
مايه او اجيب لك اي حاجه للدوخان و جايه مالك  
بص ل ديمه و قال : ارتاحي شويه و انا  
هاروحك ديمه بصت ف عينه بتوهان و كأنها اول  
مره تشوفه فيها : مش مهم انا هبقي كويسه مالك  
بقلق : لا طبعا لازم تروحي ديمه و هي بتحاول  
تفهمه : مالك انا بجد كويسه بس انا حاسه ان في  
حاجه غريبه بتحصل مالك بصلها باهتمام و قال :  
مثلا ديمه : يعني تعاملك معايا بقي غريب فجأه ،  
انا مش فاهمه مالك بحب : يمكن بحبك

مثلا ديمه : ممكن .. و بعدين استوعبت ال هو  
قاله و قالت بصدمه : اييه .. انت قولت ايه مالك :  
بحبك ديمه خدودها احمرت و اتكسفت وقامت  
بسرعه من قدامه مالك بس ضحك ع رده  
فعلها عند كمال كمال : ال حصل لها امبارح ده  
كله بسبب زوج حضرتك ... و اى حاجه كانت ممكن  
تحصل ل ديمه كونتي هتكوني السبب الرئيسي  
فيها مامت ديمه بعصبية : ما هي اكيد السبب ف  
كل ال حصل ده هو يعني هيعمل ده منه  
لنفسه ادم : ازاي حضرتك بتفكري كده ، بتك كان  
بقالها يومين ف غيبوبه ف المستشفى بين الحياه  
و الموت و الأُصعب ان محدش عارف ايه هتكون  
رده فعلها لما تفوق و تفتكر كل ال حصل لولا ستر  
ربنا وانها لسه مش فاكهه حاجه لحد دلوقتي مامت  
ديمه بصت بعصبية و متكلمتش ، قاطعهم دخول  
مالك بعصبية مالك: انتي لسه مش حاسه بالذنب  
بعد كل ال حصل ده انتي ام ايه انت ال حتي  
معندهاش ذره خوف ع بنتها بعد كل ةل مرت بيه  
بسبب الحيوان ال انتي كنتي متجوزاه ، لا ولسه

الأصعب مجاش لسه هي مش فاكهه حاجه عن  
الحادثه و لو افكرت محدش عارف رد فعلها هيكون  
ايه ، بس اتا حابب اطمئنك انك مش هتلاقيها تاني  
ولا حتي بالصدفه طول ما انا عايش علشان انتو  
أشكال مريضه تستحق الدفن كانت مامت ديمه  
متعصبه بس مش عارفه ترد تقول ايه هي فعلا  
او حش ام ف الدنيا دي كلها بس هي مكاتتش عاوزه  
أطفال هي بتعتبر ديمه ديما غلطه من زوجها  
الأولاني و انها المفروض مكنتش تبقي موجوده  
اصلا ف نظرها هي السبب ف انها معرفتش تتجوز  
بدري شخص كويس ، بسببها معرفتش تعيش  
شبابها و تعمل كل ال نفسها فيه قررت مامت  
ديمه تنسحب و تمشي لأنها مش هتقدر تواجه اكثر  
من كده عند كارما كارما بخبث : مالك ي ديدي  
خدودك احمرت كده ليه ديمه : ها .. انا ، لا مفيش  
عادي الجو حر بس كارما : امم الجو حر ف نص  
الشتا .. ديمه : اه ي ستي انا حرانه ، انا حره  
الله كارما بضحك : خلاص ي ستي انت حره  
براحتك بغد فتره كانت ديمه بتشوف ملف ف

مكتبها و دخل مالك المكتب فجأه انتبهت ديمه ل  
وجوده و كانت بتحاول تتصرف بطبيعيه و تصير ع  
قلبها ال بدأ يدق بسرعه ديمه : ايه ي دكتور انت  
مش عندك مرضي ولا ايه مالك : الصراحه انا جيت  
اتعالج ديمه : اممم ، بس انا دكتور أطفال مالك :  
ما هو انا لما بشوفك بحس لن انا رجعت طفل من  
تاني ديمه بحرج : ممكن تدخل ف الموضوع ع  
طول مالك : فكرتي ف ال انا قولته لك  
الصبح ديمه : قولت ايه مالك بخبث : خلاص  
اعيده تاني بحبك و عاوز اتجوزك ، رايك ايه ي  
دكتور ديمه ديمه بخجل : ها .. انا يعني ...  
انا موافقه مالك بصدمه: بجد .. انت موافقه

بجد

———— Part Break ————

مالك : انتي موافقه بجدد .. ديمه بهدوء و خجل :  
ايوه موافقه بجد مالك مكنش مصدق ال هي  
بتقوله ، هو كان متوقع انها يغني ممكن تقول  
هافكر او اي حاجه تانيه غير لنها توافق بالسرعه  
دي ديمه : انت بتعزم عزومه مركبيه و لا ايه ، انت  
مكنتش عاوزني أوافق يعني مالك : انا بس مصدوم  
انك وافقتي بالسرعه دي انا متوقعتش  
الصراحه ديمه : انت رجعت ف كلامك ولا ايه مالك



: طب انتي موافقه معناها انك بتحبيني انت كمان  
و لا معناها انك موافقه ع الجواز ديمه : مالك انت  
كويس ولا انت اتجننت وراحت منك يعني انا لو  
مش بحبك هوافق اتجوزك ليه اصلا مالك : ده  
معناه انك بتحبيني ديمه بخجل بتحاول  
تخبئه: يعني.. حاجه كده مالك بفرحه : طب يلا  
تجوز ديمه : لا خول ولا قوه الا بالله ، طب اقولك  
ايه بس مالك : قولي انك موافقه بس ديمه :  
موافقه ، ها و بعدين مالك : يلا بقا هنكسب  
الكتاب زي ادم و كارما ديمه : ييني افهم ، طب و  
اهلك.. مالك اتصل بجده ساعتها .. ديمه : لا ده  
انت كده اتجننت رسمي بقا مالك : انت لسه  
شوفتي حاجه الجد ف التليفون: انت ي باف انت  
بكلمك مش بترد عليا، امال متصل ليه ، ابو شكلك  
عيل عره ديمه مش قادره تمسك نفسها من  
الضحك مالك : شكرا ي حج الجد : العفو ، قولي  
بقا ي متعوس انت عاوز ايه مالك : طب ممكن  
منغير شتيمه ي حج وانا هاقولك كل حاجه الجد :  
ما تخلصني ي واد انت انا ورايا مشاغل مالك :

مشاغل ايه جدي ،انت عندك اهم مني الجد : اه ،  
وخلصني ي اما و رحمه جدتك لاقفل ف  
وشك مالك : خلاص متتعصبش هاقول اهو ،  
احمم انا عاوز اتجوز الجد : انت ي متعوس عاوز  
تتجوز ، طب لقيت واحده تبصلك مالك : ي جدي  
حرام عليك هو انت لقيني قدام باب جامع الجد : اه  
هو انت لسه جاي تعرف دلوقتي ، المهم مين ال  
امها داعيه عليها ف ساعه فجر دي ديمه : انا ي  
جدو الجد : انا عارف الصوت ده كويس اوعي تكون  
ا ف دماغي ديمه بضحك : ايوه انا ي جدو الجد :  
سيبك من مالك ده و تعالي و اتا هاجوزك سيد  
سيده مالك : هو انت جدي ولا جدھا هي الجد :  
اخرص و مسمعش لك نفس ، عيل لقيط ، وبعدين  
انا بعمل ال عليا و احذرھا من ال هي داخله  
عليه مالك : هو انا هاكلھا ديمه : طب خلاص ي  
جدو انا غيرت رأيي و هبقي اجي ف الاجازه تشوفلي  
عريس ع زوقك الجد : خلاص ع بركه الله مالك :  
لا والله ع اساس ان انا كيس جوافه يعني قاطعهم  
ادم : من ناحيه كيس جوافه ف انت حتي مش

محصل كيس جوافه ضاربه كارما : انتو بتكلمو جدو  
منغيري ، خيانه الجد : وحشتوني ي جزم ، كده  
حتي مش عارفين ترفعو سماعه التليفون و تسالو  
عليا ، هنت عليكم كمال : جيل عاق ي حج الجد :  
معاك حق والله ي دكتور ، ربنا يكون ف عونك  
قاعد معاهم ، ده انا جدهم و مستحملتش كمال  
بضحك: مجنني الاربعه والله الجد : ده انت لك  
الجنه انك مستحملهم ادم : ده احنا عاملين حس  
ف العياده بدل ما هو منه لأربع حيطان كده كمال :  
لدرجه ان الجيران اشتكت كارما : المهم دلوقتي ان  
انا سمعت كده و السمع خير ان في اتنين ناقر و  
نقير عاوزين يتجوزو ديمه : اوشاعات ، دي  
كلها اوشاعات مالك : كدابه، دي هتموت  
عليا ديمه: والله ، انا ال هموت عليك برضو ،  
بذمتك انت مصدق نفسك ادم : ده انتو لو اتجوزتو  
هتطلقو تاني يوم مالك: يخى فال الله ولا  
فالك الجد : و عاوز تتجوز امتي بقي ي استاذ  
مالك مالك : دلوقتي ادم: نا تتقل ياض انت  
شويه مالك : ما تخليش اسيح بقا ادم : انت

هتهددني يعني مالك بسماجه : اه ادم :  
وريني مالك : مش عاوز اقول انت خليتني اقول  
ايه لجدي اليوم اياه كارما بفضول : يوم ايه مالك:  
لا خلاص هو بقا يبقي يحكيك بنفسه ادم : والله  
لوريك ي مالك الكلب كارما : ما تفهمني ي ادم بقا  
بدل ما انا عامله زي الأطرش ف الزفه كده ادم :  
هفهمك ف البيت ، وانت حسابك بعدين ي  
مالك مالك بضحك : ماشي ي روميو

———— Part Break ————

الجد : طب استني بقي ي استاذ مالك ع ما

تيجي ف الاجازه مالك : استني ايه ي جدي ، انا  
هاكتب كتاب زي ادم و بعدين نيحي سوا ف الاجازه  
علشان يعني نقدر نيحي براحتنا الجد : انت  
مستعجل ع ايه ي بتاع انت و بعدين مش تسببها  
تراجع نفسها يمكن تعقل كده و ترجع ف  
كلامها مالك : انا طب انت معايا ولا عليا ي جدي ،  
ده انا حتي حفيديك الجد : هو انا هافضل اقولك ان  
احنا لقيناك اصلا يعني انا بس مربيك شفقته مش  
اكثر ادم: ي بجح يقولك ايه ثاني علشان  
تحس مالك : اذيتو مشاعري الصراحه ديمه :  
خلاص ي جماعه انا راضيه بي بقا و أمري لله مالك  
: بينتي انت طولي ديمه : هو انت هتتشطر عليا انا  
ما كلهم بيقلسو من الصبح كمال : هو انا مش  
عاوز أفسد فرحتك ي عريس بي انتو هتقضو معايا  
شفت بليل ي دكاتره كارما: بجدي دكتور هو لسه  
في حالات كتير كده كمال : مالك و ادم هيجو معايا  
المستشفي انهارده شفت ليلي ، انتو  
تقدر تروحو ادم : لازم كمال : مكنش فيه حالات  
كتير انهارده يعني ما تتمسكنوش ، و بعدين

قدامكم تلت ساعات راحه قبل الشفت ادم: كتر  
خيرك بجدي دكتور مالك : ده انا لسه بقول ي  
هادي و عاوز ادخل دنيا كمال : وانا بعون الله  
هطلعلك منها ادم : من الواضح الصراحه كارما :  
حيث كده سلام احنا بقا .. روح كارما وديمه البيت  
و قعد مالك و ادم ف العياده مع دكتور كمال  
لغايت معاد الشفت ف البيت كارما روح و  
لبست بيجاما قصيره و شغلت التلفزيون علشان  
ادم لسه هيرجع الصبح كارما: ياااه ي جدعان  
الهدوء و الروقان .. أما اقوم اولع شمعته و اعلمي  
حاجه اشربها و لا اكلها .. دخلت كارما المطبخ و  
هي بدندن و مشغله شمعته و مهديه الانوار و عملت  
كوبايه قهوه و قعدت تشربها و هي بتسمع فلم ع  
التلفزيون فجأه قاطع المود الشاعرى بتاعها ده  
دخول ادم من الباب كارما بصدمه : ادم !!! ادم  
اتفاجا من كارما ، كان اوى مره يشوفها كده كارما  
اتكسفت من نظرات ادم و دخلت الاوضه بسرعه و  
قفلت الباب ادم كان لسه مدهول وواقف مكانه و  
بعدين استوعب و راح خبط ع الاوضه ادم : كارما ..

كارما افتحى و بطلي حركات الأطفال دي كارما : لا  
مش هفتح و لوسمحت ابعد دلوقتي ادم: ع فكره  
انا جوزك لو مش واخده بالك كارما: طب ابعد ي  
ادم و سبني دلوقتي لوحدي ع فكره انا ممكن ازوق  
الباب افتحه و المفتاح من بره كمان كارما : بقا كده  
و قامت جاريه ع الحمام ال ف الاوضه و قفلت  
المفتاح بتاعه دخل ادم بسرعه

الاوضه ادم: اطلعي ي كارما و اعقلي شويه ، مش  
هعمل فيكي حاجه اطلعي بس كارما : كداب ، انا  
مش طالعه ادم : خلاص براحتك ، واترمي ع السرير  
و فال بعدها بعند : انا هنام هنا ع السرير وانت  
براحتك بقا باقي ف الحمام كارما : عادي هو انت  
فاكر ان انا هاخاف يعني ادم سكت و مردش، و  
عمل كأنه نايم كارما : انا عارفه انك صاحي و بتمثل  
زي كل مره ، انت فاكرني ساذجه و هاخرج ادم  
برضو مردش كارما : ادم انت سامعني .. ادمم  
اتوترت كارما و خافت يكون حصله حاجه و لا يمكن  
يكون خرج من الاوضه اصلا كارما و هي بتنادي تاني  
: ادمم ادم ،لا رد خرجت كارما بحذر من الحمام و



لسه بتبص لقت ادم مسكها كارما انصدمت ادم :  
اديكي خرجتي اهو كارما : سيبنني ي ادم هزارك  
رخم ع فكره.. بص لها ادم بحب و قال : و لو ده  
مش هزار كارما خجلت و بصت ف الارض و مش  
عارفه ترد قام شالها ادم و حاطها ع السرير  
جمبه كارما : ابعد بقا ي ادم الله .. ابعد لو  
سمحت ادم: مش عاوز ابعد ي ستي ، مراقي وانا  
حر كارما قلبها بدأ يدق جامد و حسست انه هيغمي  
عليها ادم : كارما ، انا بحبك كارما ف نفسها : لا كده  
كتير انا مش قادره استحمل و راح اغمي عليها ادم  
: هارسود ، هي مالها دي ، دي انفجعت حرفيا من  
المفاجاه ادم حاول يفوقها بشويه مايه ع  
وشها كارما بدأت تفتح عنيتها من ثاني ادم : كارما  
انت كويسه كارما: ايوه ، بس انت قولت ايه ي  
ادم ادم بصلها ف عنيتها و قال : قولت ان انا  
بحبك كارما اغمي عليها ثاني ادم : لا بقا هو انتي  
اتحسدتي ولا ايه ده انا لسه بقول ي هادي /: بينها  
ليله باين من اولها

——— Part Break ———

کارما و هي بتضحك : انت صدقت :) ادم : لا  
طبعاً هو انا سازج اوي كده کارما : اممم ، لا  
طبعاً ادم بغمزه : طالما انت صاحيه بقا ما تيحي

نتكلم ها كارما بضحك : ايه رياكشن حمدي الوزير  
ده ادم : طب ايه بقا كارما : طيب تصبح ع خير ي  
حبيبي انت تعبت انهاده اوي ولازم ترتاح ادم : انت  
قولتي ايه كارما : تعبت ولازم ترتاح ادم :  
قبلها كارما : انت هتعملي زي الافلام ما تقول انت  
عاوز ايه وانا ا قوله ثاني ادم: هارسود ، ايه مفيش  
سنس ، مفيش ذره رومانسيه متجوز اسطي عبده  
انا ، ي شيخه روحي كده كارما بسماجه: طب  
تصبح ع خير ي حبيبي ادم : لا معتش بياكل  
معايا كارما ببراءه : طب ي حبيبي تصبح ع  
خير ادم : كده فرقت يعني كارما بالصوت الشتوي :  
خلاص بقا انت زعلت ولا ايه .. يااا استااااااا  
ادمم ادم بضحك : حركات ياسمين عز دي مش  
بتاكل معايا خلي ف بالك كارما : طب اعملك ايه  
طيب .. ادم : نامي كارما بسماجه : طب تصبح غ  
خير ي ح بي بي ادم غطي راسها بالمخده : نامي  
بدل ما.. كارما بسرعه وضحك: خلاص خلاص مش  
هقولها ثاني ثاني يوم \*\* كارما مانت بتفكر تروح ل  
نور بس شافت حاجه غريبه والدها كان خارج من

عند نور كارما باستغراب : هو بيعمل ايه عند  
نور طلعت التليفون و عملت مكالمه و دخلت  
البيت دخلت كارما البيت و خبطت غ شقه نور نور  
بدلع : انت جيت تاني ولا ايه كارما : انا كارما ي  
نور نور بتوتر: كارما كارما : مش هتدخليني ولا  
ايه فتحت نور الباب و هي متوتره و قالت .. ادخلي  
ي كارما كارما دخلت و هي بتحاول تتصرف  
بطبيعته قدامها بس انصدمت من اللبس ال كانت  
نور لبساه و منظر الشقه كارما: كان عندك ضيوف  
ولا ايه نور بتوتر: ضيوف ايه ي بنتي لا طبعا ، انا  
بس .. انا بس كنت ..يعني انا قاعده لوحدي ف  
لبس ا انا عاوزه مش اكثر كارما بشك: اها .. المهم  
انت عامله ايه نور : كويسه.. الحمد لله كارما:  
الحمد لله نور: هو انت جايه ف حاجه مهمه ولا  
ايه كارما بجديه : لا مش حاجه محدده بس انا كنت  
عاوزه أسألك شويه حاجات عن يون وفاه جدي نور  
: اשמعنه دلوقتي كارما : لا مفيش هي شغلت بالي  
فجأه مش اكثر يعني نور : و هي ايه دي بقا  
الحاجات ال شغلت بالك كارما : يوم وفاه جدي

عرفتي ازاي انه مات يعني مين ال راح له نور : ما  
انا قولتلك انه جدي راح لقاه ميت نقلناه  
المستشفى و دفناه بسرعه زي ما قولتلك كارما :  
اها .. يعني يوميهها مكنش واخذ جرعه زياده علشان  
يموت وانا مش ف البيت و انا محدش بالي انه اخذ  
دوه جرعه زياده يعني نور بتوتر اكثر : انت قصدك  
ايه ي كارما انا مش فاهمه انت عاوزه تقولي ايه  
بكلامك ده كارما : انا كلامي محدد و مفهوم جدا ي  
نور ، انت الشريك السري انت ال كنت بتلعب ع  
الجنبيين كنتي عامله فيها حبيبتنا و انت اكثر واحده  
بتكرهينا ... نور : انت بتقولي ايه ي مجنونه  
انت كارما ببرود : انا مش مجنونه انا عارفه انا بقول  
ايه كويس .. الاستاذ محمود ثروت بيعمل ايه ف  
بيت مدام نور ف وقت زي ده وانت لابسه كده نور  
بتوتر : هو بس.. كارما : كل حاجه اتكشفت انا  
عرفت كل ال حصل و محمود ثروت هو ال قالي  
بنفسه ، انت فاكهه مثلا انه بيحبك و مش هيعترف  
عليكي ، ابداء ده انسان ملوش عزيز .. رمي بنته و  
قتل والده و استولي ع ورثه مستنياه يحمي واحده

قذره زيڪ نور بحده : لا بقا ، انا سكتلك كثير ، و  
كملت بغل و قالت : انا ال عملت كل ده ، انا ال  
جبتله العلاج و انا ال اديته الجرعه الزياده و طبعا  
استاذ محمود هو ال خطط لكل ده ، وانت مش ف  
ايدك اي حاجه ، جدك مات هتعرفي ترجعيه حتي لو  
عملتي ايه ؟؟ ها ردي عليا هتعرفي ترجعيه كارما  
ببرود : ليه؟ ليه عملتي كده ، انا اذيتك ف ايه  
علشان تحرق قلبي عليه و تسهري تطبطني عليا  
اذيتك انا ف ايه ها؟؟ نور بشر : هو السبب ف كل  
ده وانت كنتي غلطه بس مكنش هينفع ابوظ  
خططي كلها بسببك ، هو ال خلاني ابعد عن محمود  
رغم انه كان بيحبني ، هو ال حرق قلبي عليه و  
بعده عني كارما : ساذجه ، انت اكثر انسانه ساذجه  
شوفتها ف حياتي ، هو انت فاكهه ان جدي اصلا كا  
يقدر يمشي اي كلمه ع محمود ده ، الاستاذ ضحك  
عليكي و غفلك و الف القصه المريضة دي كلها  
بس علشان تشوفيه مظلوم مش اكثر وانت زي  
الهبله صدقتي و اديتي له كل ال عاوزه منغير  
مجهود حتي، مش بقولك ساذجه نور بهستيريا :

قصداً ايه بالكلام ده .. يعني كل ده  
محصلش كارما: الاستاذ محمود اتجوز من واحده  
غنيه علشان ياخد فلوسها بعد ما اوهمها انه بيحبها  
، اتجوزو الاتنين و يشاء القدر يجيبو طفله غلطه  
للحياه ، نصب عليها ف فلوسها وهي رمت البنات و  
سابتها و سافرت بره البلد كلها و كأنها مكنتش ام ..  
والف القصه المريضه ال بيضحك عليكى بيها  
علشان ياخد منك كل ال عاوزه وانت زى البقره  
مشيتي وراه ، انت بجد صعبانه عليا نور مانت  
مصدومه من كل ال سمعته، دي ضيعت نفسها و  
مستقبلها و قتلت شخص علشان بس تثبتله انها  
لسه بتحبه و مخله له و هو بس استغلها كأنها  
عروسه مريونت بيحركها بصوابعه نور مقدرتش  
تسمع اى حاجه تانيه من كارما و بدأت تعمل  
تصرفات غير متزنه و مسكت السكينه ال كانت مع  
طبق الفاكهه و فجأه ...

———— Part Break ————

فجأه اخدت نور السكينه من طبق الفاكهه  
وقربت من كارما نزر بغل : انت السبب ف كل ده ،  
لو مكنتيش جيتي انهارده مكنتش عرفت كل ده ..  
علشان كده لازم تدفعي التمن كارما ببرود بتحاول  
تعطلها : انت كنني نايمه ع ودانك مش فاهمه اي



حاجه ف اي حاجه زي العروسه الخشب ال ببحركها  
ف ايده و بعدين جايه تقولي أن انا السبب انتي  
المفروض تشكريني نور : انا طلعت مغفله كبيره  
وانتو عيله كلها نصابين ولازم اتخلص منكم كلکم  
وقبل ما تقرب السکينه من کارما کانت الشرطه و  
ادم اتدخلو نور بهستیریا : هوريکی .. هوريکو  
کلکووووو الشرطه اخدت نور ع العربيه و لقت فيها  
محمود ثروت کارما عدت من قدام العربيه و  
ابتسمت بانتصار انها قدرت تاخذ حق جدها و تريحه  
.. ادم بقلق :کارما انت کويسه کارما بهدوء : انا  
کويسه ي ادم ،بس في حاجه لازم اعملها الأول ادم  
باستغراب : عاوزه تعملي ايه عند الشط کارما  
بحزن : انا عارفه ان ده كله مش هيغير اي حاجه ي  
جدي بس اتمني ان انا اكون ريحتك ع الاقل و جبت  
حقك ... انا اسفه ادم مسك اديها و طبطب عليها و  
قال بحب : ده مش ذنبك ي کارما، لازم تعيشي و  
تکملي و هو هيبقی مبسوط لو شافك مبسوطه و  
مکمله حياتک .. و بوعدک مش هخليکي تعيطي و  
لا تنزلي دمعہ من عيونک دي طول ما انا معاکي

... كارما بحب: و انا بوعدك هافضل احبك لآخر  
نفس ف عمري.. انا بحبك ي ادم ادم بحب: و انا  
بعشقك .. و هنا اسدل الستار ع روايتنا مالك: ...  
نعم، طيب واحنا ايه هتسيبينا كده ، طب حتي  
نتجوز الأول و بعدين اسدلي الستار براحتك هو ده  
كلام \_\_\_\_\_ بعد

فتره كمال : مبروك ي عرسان .. انا متخيلتش  
اشوفك عريس والله ياض ي مالك بس الحمد لله  
شوفتك اخيرا مالك بدراميه : شكرا ع الكلمه  
الكلوه ي دكتور كمال : مبروك و ربنا يهنيكم ي  
ولاد .. ديمه، مالك : الله يبارك فيك ي دكتور كارما  
و ادم : مبروك ي جدعان مالك و ديمه : الله يبارك  
فيكم ف البيت مالك : انتي مش عارفه انا منتظر  
اللحظه دي من قد ايه... ديمه انا بجد بحبك اكثر  
من اي حاجه ثانيه ف حياتي .. ديمه بتوتر : انا عاوزه  
اقولك حاجه مهمه ي مالك، بس اتمني تسامحني  
ان انا مقولتش لك عنها مالك بتوتر : ايه ي ديمه  
متخافيش انا معاكي و مهما حصل انا واقف  
جمبك ديمه بدموع : انا مش ناسيه اي حاجه

حصلت يوم الحادثه، منستش ولا لحظه عدت عليا  
يوميهها كل حاجه حصلت محفوره ف دماغي مش  
عارفه انساها بس انا اكتشفت اني بحبك و مش  
هاقدر اسيبك حتي لو مش قادره اتعامل مع أي حد  
ف حياتي تاني انا بجد خايفه .. خايفه اغمض عيني  
اشوف كل ال حصل ده تاني وانت متكونش جمبي  
.. مالك حضنها و قعد يهدي فيها بعد ما انهارده ف  
العياط مالك بحب: انا هافضل معاكي طول ما فيا  
نفس .. هفضل معاكي و ف ضهرك و هحميكي  
مهما كلفني حتي لو حياتي ... بس ليه مقولتيش  
كده ليه مقولتيش انك مش ناسيه اي حاجه وانك  
بتتعذبي كل يوم و مش قادره تشاركي مشاعرك مع  
حد .. ليه ديمه : مكنتش هستحمل نظرات  
الشفقه ف عين اي حد .. مكنتش هستحمل  
المعامله دي، انا بس عاوزه اعيش حياه طبيعيه و  
مش عاوزه افكر ال حصل ده تاني حتي بس لو  
شفته ف عيونكم مش بس لو قولتوه مالك :  
انا معاكي و جمبك ديما و عمري ما هسيبك ابدا  
بس لازم توعدينني انك تحكي لي كل حاجه سواء

حلوه أو وحشه لازم تثقي فيا و انا اوعدك مهما  
حصل هكون جمبك ... ديمه : انا بجد بحبك مالك :  
انا بموت فيكي ♡



———— Part Break ————

ها انا ذا من جديد .. ها انا ذا تلك الفتاه التي  
مازالت تكتب رسائلً تُقصها علي البحر لعل امواجه  
تُرسلاها إليك ليتني استطيع رؤياك و مَعَنقتك .. او  
حتي ان المح ابتسامتك من بعيد ... لقد مرت أعوام  
عديده ع وفاتك ي جدي ، مرت هذه الأعوام كأنما  
الدهر بالنسبه لي. نفس الشوق يدفعني الي هذا  
المكان أملا في ان احس بروحك تحلق حولي أو  
صوتك الهاء الرزين يخترق اذني فيحي روعي من  
جديد. لست هنا لاشكي لك ككل مره ولاكن اليوم

أحضرت معي ضيف، أو بالاحري ضيفه صغيره...  
لقد احضرت ابنتي ذات الاربعه أعوام معي اليوم  
لقد كتبت لك رساله مضمونها " انا احبك يا جدي "  
و ملئت الورقه بقلوب صغيره تعبر بها عن مدي  
سعادتها بعدما قصصت عليها حكايتي ، و طبعا  
جلبت معي الضيف الدائم الذي لطالما اعتاد علي  
ان يأتي معي في كل مره اتي فيها هنا لالقاك طبعا  
عرفته .. اجل هو ذاك الادم الشخص الذي لطالما  
احتواني بكلماته وأفعاله و اعطاني الحب و الحنان...  
اه كم اشتقت اليك يا جدي و كم اهوي لقياك ،  
رحمك الله ي من كنت سندي و أصبحت ذكري

ترسم السعاده علي وجهي و تضيئ  
قلبي المخلصه : كارما ثروت قاطع سكونها وتاملها  
ف البحر و انواجه و الدموع ال بدأت تنزل من  
عيونها منغير متحس صوت طفله تالا: مامي انتي  
بتعيطي كارما بابتسامه : لا ي حبيبتي انا مش  
بعيط ، و مسحت الدموع ال ع وشها جه ادم  
بابتسامه و حضنهم هما الاتنين و قال بحب : انا بجد  
بشكر ربنا ع احلي هديه ربنا بعتها لي ف حياتي دي

كلها ♡ "لقد نويت الحب حين عرفتك ولكل قلب  
في المحبه ما نوي اهواك عند القرب أو في بعدك ما  
ضل قلبي في هواك و ما غوي قد كان قلبي في  
المحبه جاهلا حتي تعلم منك أسرار الهوي واللّه لن  
اوفيك حقك بازلّ فاليك روعي و الفؤاد و ما حوي  
" ♡♡ اتمني تكون الروايه عجبتكم ، و اتمني  
اشوف رايعكم ف التعليقات سلاام ☺☺